

漢書補注

昭帝紀第七

漢書七

漢 蘭 臺 令 史班固撰

唐正議大夫行祕書少監琅邪縣開國子顏師古注

賜進士出身前翰林院編修國子監祭酒加三級臣王先謙補注

孝昭皇帝荀悅曰諱弗之字曰不應劭曰禮諡法聖聞周達武帝

少子也母曰趙婕妤師古曰使接幸也仔美稱也故以名宮中婦

日說文婕女字也與女字也讀若余二字連文知婕妤即婕本曰

好史記外戚世家尹婕妤好韋昭云婕承好助也一曰美好也有奇異得幸師古曰謂望氣者言有奇女天子氣及生帝亦奇異

文穎曰十語在外戚傳武帝末戾太子敗燕王旦廣陵王胥行驕

嫚師古曰行後元二年補注劉敞曰檢前後文多元二月上疾病

師古曰疾遂立昭帝爲太子年八歲呂侍中奉車都尉霍光爲大

司馬大將軍受遺詔輔少主明日武帝崩戊辰太子卽皇帝位謁

高廟帝姊鄂邑公主

應劭曰鄂縣名屬江夏公主所食曰邑師古曰鄂音五各反補注先謙曰卽蓋長公主也

官本注併入下文注中

益湯沐邑爲長公主

師古曰帝之姊妹則稱長公主儀比諸王又以供養天子故益

邑其養省中

伏臘曰蔡邕云本爲禁中門閭有禁非侍御之臣不

之故曰省中師古曰省察也言入此中皆當察視不可妄也共讀

賦禁臺省中李善注魏武集荀欣等曰漢制王所居曰禁中諸公

所居曰省中是漢制原有禁與省之別不自避王禁諱始且昭帝

下距元后時甚遠何以遽避禁諱若爲班氏追書則班大將軍光

氏時已在中興後吏何所忌於王氏而必爲之避也

秉政領尙書事車騎將軍金日磾左將軍上官桀副焉夏六月赦

天下紀補注劉攽曰是年二月有赦秋七月有星孛于東方濟北王

寬有罪自殺

補注先謙曰坐賜長公主及宗室昆弟各有差追尊

趙婕妤爲皇太后起雲陵

文穎曰婕妤先葬於雲陽是以就雲陽爲起雲陵補注先謙曰雲陵爲縣志屬

馮冬匈奴入朔方殺略吏民發軍屯西河

補注先謙曰官本考證云監本訛屯河西從宋

改本左將軍桀行北邊

師古曰行音下更反

始元元年春二月黃鵠下建章宮太液池中

如淳曰謂之液者言天地和液之氣所爲

也臣贊曰時漢用土德服色尚黃鵠色皆白而今更黃以爲上德之瑞故紀之也太液池言承陰陽津液以作池也師古曰如瓊之

說皆非也黃鵠大鳥也一舉千里者非白鵠也太液池者言其津潤所及廣也鵠音胡篤反補注沈欽韓曰西京雜記上爲歌曰黃

鵠飛兮下建章羽肅肅兮行踰賒金爲弓兮菊爲裳嗟喋荷持出

入兼葭自顧菲薄愧爾嘉祥先謙曰注以爲上德之瑞官本上作

是公卿上壽賜諸侯王列侯宗室金錢各有差已亥上耕于鉤盾

弄田應劭曰時帝年九歲未能親耕帝籍鉤盾宦者近署故往試

田爲宴游之田天子所戲弄耳非爲昭帝年幼創有此名補注齊

召南曰案百官表少府屬官有鉤盾令丞後書志鉤盾令一人本

注宦者典諸近池苑游觀之處則應說是沈欽韓曰唐六典鉤

盾署令掌供邦國薪芻之事案此則周禮甸師之職本掌耕籍有

田地當在上林旁近以爲在未央宮非也王啟原曰鉤盾令既典

近池苑自有地可爲弄田成紀建始三年虜上小女陳持弓至未

央宮鉤盾中是鉤盾署言未央舉大名耳沈言弄田在上林非先謙

曰官本田下益封燕王廣陵王及鄂邑長公主各萬三千戶夏爲

爲作謂字通

太后起園廟雲陵益州廉頭姑繒牂柯談指同竝二十四邑皆反

蘇林曰皆西南夷別種名也師古曰竝音伴補注宋祁曰景德本
柯作柯俞樾曰竝古音如傍故史記漢書傍河傍海皆作竝字似
不得有伴音此竝字疑扶之誤說文扶竝行也輦字從此讀若伴
侶之伴然則顏音伴正扶字之音也竝古字作𡗗學者多見𡗗少
見扶因改扶爲𡗗耳先謙曰俞說似矣然地理志西南夷傳皆作
並談指同竝牂柯之縣也時益州牂柯今遵義府談指在遵
義府桐梓縣西南同竝在今曲靖造水衡都尉呂破胡募吏民補
府雷益州北廉頭姑繒不見志
錢大昭曰西南夷傳及發犍爲蜀郡犍命擊益州大破之應劭曰
百官表破胡作辟胡及發犍爲蜀郡犍命擊益州大破之舊時郡
國皆有材官騎士以赴急難今夷反常兵不足以討之故權選取
精勇問命奔走故謂之奔命李斐曰平居發者二十以上至五十
爲甲卒今者五十以上六十以下爲奔命奔命言急也師古曰應
說是也犍古奔字耳犍音虔又音鉅言反補注俞樾曰材官騎士
若今額設兵奔命者臨時選取精勇若今募勇矣此自漢已然先
謙曰胡三省云左傳子重子反一歲七奔命奔命者救急之師固
不拘五十以上有司請河內屬冀州河東屬并州文穎曰本屬司
六師以下也補注沈欽韓曰史記補田仁傳仁爲丞相長史請
京師司隸所部補注沈欽韓曰史記補田仁傳仁爲丞相長史請
先刺舉三河是前此置司隸皆屬司隸也地理志河內屬司隸郡
國志河內河東并司隸所部則是年改屬冀并權制也洪亮吉曰
魏受禪後始置司州漢時不過以司隸部諸郡耳無司州之名也
文說秋七月赦天下賜民百戶牛酒大雨渭橋絕八月齊孝王孫

劉澤謀反

補注錢大昭曰劉澤書姓以其謀反外之使若異姓然王先慎曰紀例失國書姓齊孝王傳國至孫厲王次昌

飲藥自殺後見諸侯王表高五王傳錢說非也二年劉欲殺青辟彊劉長樂皆以茂才爲光祿大夫豈亦因謀反外之乎

州刺史雋不疑

師古曰雋音材克反又音辭克反發覺皆伏誅

補注蘇與曰上但字當遷不疑爲京兆尹賜錢百萬

補注先謙曰澤與燕王通謀詳不疑及旦傳

九月丙

子車騎將軍日碑薨閏月遣故廷尉王平等五人

師古曰前爲此官今不居者皆

謂之故也補注洪頤煊曰公卿表始元五年軍正王平子心爲廷尉四年乘市前此未嘗爲廷尉疑此誤先謙曰下文軍正廷尉並

與表合此云故廷尉足證表脫非紀誤也

持節行郡國師古曰行郡國音下更反舉賢良問民所疾苦

冤失職者冬無冰

二年春正月大將軍光左將軍桀皆以前捕斬反虜重合侯馬通

補注錢大昭曰討馬通事在武帝後元元年王念孫曰漢紀孝昭紀重合侯馬通上有侍中僕射莽何羅七字案武紀侍中僕

射莽何羅與弟重合侯通謀反日碑光桀討之光日碑傳具載其事則此紀脫去侍中僕射莽何羅七字明矣當據漢紀補

封光爲博陸侯桀爲安陽侯呂宗室母在位者舉茂才劉辟彊劉長

樂皆爲光祿大夫辟彊守長樂衛尉

師古曰長樂宮之衛尉也補注沈欽韓曰時無太后而置

東宮衛尉妨姦人不軌先謙曰或說霍光遂有是命詳楚元王傳

三月遣使者振貸貧民毋種食

者師古曰貸音吐戴反其下並同補注周壽昌曰毋無同書中無多作毋

秋八月詔曰往年災害多

今年蠶麥傷所振貸種食勿收責毋令民出今年田租

補注何焯曰稍修文

景之政天下所以復安

冬發習戰射士詣朔方

補注沈欽韓曰鹽鐵論備胡篇賢良曰今山東之戎馬甲

士戍邊郡者絕殊遼遠身在胡越心懷老母案此殆桑弘羊所建

訓故吏將屯田張掖郡師古曰調謂發

選也故吏前爲官職者令其部率習戰射士於張掖爲屯田也調音徒鈞反將音子亮反

三年春二月有星孛于西北秋募民徙雲陵賜錢田宅冬十月鳳

皇集東海遣使者祠其處十一月壬辰朔日有蝕之

補注先謙曰五行志在斗

度九

四年春三月甲寅立皇后上官氏

文穎曰上官桀孫安之女

赦天下辭訟在後

二年前皆勿聽治

孟康曰武帝後二年補注周壽昌曰當作後元二年此無元字省文也紀前書後元二年可證

夏六月皇后見高廟

補注周壽昌曰后時年六歲

賜長公主丞相將軍列侯中

二千石以下及郎吏宗室錢帛各有差徙三輔富人雲陵賜錢戶

十萬秋七月詔曰比歲不登民匱於食

師古曰匱空也

流庸未盡還

師古曰流

庸謂去其本鄉而行爲人庸作

往時令民共出馬其止勿出諸給中都官者且減

之師古曰中都官京師諸官府

冬遣大鴻臚田廣明擊益州

補注先謙曰時益州蠻夷反見杜延

年廷尉李种坐故縱死罪棄市

師古曰縱謂容放之种音冲補注先謙曰种字季主見公卿表

五年春正月追尊皇太后父爲順成侯夏陽男子張延年

師古曰

翊之縣補注先謙曰雋不疑傳作成方遂

詣北闕自稱衛太子誣

罔要斬夏罷天下亭母馬及馬弩關

應劭曰武帝數伐匈奴再擊大宛馬死略盡乃令天下諸

亭養母馬欲令其繁孳又作馬上弩機關今悉罷之孟康曰舊馬

高五尺六寸齒未平弩十石以上皆不得出關今不禁也師古曰

亭母馬應說是馬弩關孟說是也補注沈欽韓曰新書壹通篇禁

游宦諸侯及無得出馬關者豈不曰諸侯國眾車騎則力益多案

馬不出關之制漢初已有也蘇輿曰六月封皇后父驃騎將軍上

禁馬無出關在孝景中四年見景紀

官安爲桑樂侯

師古曰樂音來各反補注齊召南曰案驃騎將軍此與霍光傳同而外戚傳及恩澤侯表公卿表俱

作車騎將軍必有一誤先謙曰通詔曰朕曰眇身獲保宗廟曰眇

微戰戰栗栗夙興夜寐修古帝王之事通保傳傳孝經論語尙書

未云有明

文穎曰賈誼作保傳傳在禮大戴記言能通讀之也晉灼曰帝自謂通保傳傳未能有所明也臣瓚曰帝自謂

難通舉此四書皆未能有所明此帝之謙也師古曰晉瓚之說皆

非也帝自言雖通保傳傳而孝經論語尙書猶未能明也補注劉

效曰子謂瓚說是李慈銘曰帝自謂雖通接保傳傳授孝經論語

尙書皆未能有明當以傳字絕句賈所作保傳傳授孝經論語

授者昭帝安得習之且冠於孝經諸書之上乎先謙曰昭帝此

詔謙言無所通曉何必以通保傳傳自表李說是諸說非也其

令三輔太常舉賢良各二人郡國文學高第各一人補注蘇輿曰

論所列賢良文學判然二途或他據通錯傳以爲一科者非賜中

也文帝時立此名武帝興學之後始定員數至此復申舊制

二千石以下至吏民爵各有差罷僖耳眞番郡師古曰僖耳本南

地皆武帝所置也番音普安反補注齊召南曰案僖耳郡罷并入

珠厓至元帝時珠厓亦罷又案後書東夷傳此年罷臨屯眞番以

并樂浪元菟則不秋大鴻臚廣明軍正王平擊益州師古曰廣明

錢大昭曰此卽上斬首捕虜三萬餘人獲畜產五萬餘頭補注先

文故廷尉王平南夷傳作五萬餘級獲畜產十餘萬

六年春正月上耕于上林二月詔有司問郡國所舉賢良文學民

所疾苦議罷鹽鐵榷酤應劭曰武帝時以國用不足縣官悉自賣

故罷之補注先謙曰議罷數者移中監蘇武蘇林曰移音移廢名

其官也韋鞍馬鷹大射獵之具如淳曰移爾雅唐棣移也移國之

中有馬廐也師古曰蘇音如說是補注先謙曰官本注在迺還下

前使匈奴留單于庭十九歲迺還奉使全節曰武爲典屬國曰以

其久在外國知邊事故令典主諸屬國師古曰典屬國本賜錢百

萬夏旱補注先謙曰五行志云大大雩不得舉火臣瓚曰不得舉

秋七月罷榷酤官補注沈欽韓曰鹽鐵論第四十一公卿奏曰賢

郡國榷酤關令民得曰律占租如淳曰律諸當占租者家長身各

隱度其實定其辭也占音章贍反下又言占名數其義竝同今猶

謂徵訟之辨曰占皆其意也蓋武帝時賦斂繁多律外而取今始復舊補注劉放曰予謂罷權酤官令民得以律占租賣酒升四錢共是一事爾以律占租者謂令民賣酒以所得利占而輸其租矣占不以實則論如律也租即賣酒之稅也賣酒升四錢所以限民不得厚利爾王子侯表旁況侯殷坐貸子錢不占租皆免侯義與此占租同部如顏說賣酒升四錢無爲所著官既罷權酤矣何處賣酒賣酒升四錢曰邊塞闊遠取天水隴西張掖郡各二縣置金

平

城郡補注先謙曰據地理志金城郡領十三縣蓋續有增隸

詔曰鈎町侯毋波

服虔曰鈎音左傳射兩鈎

之鈎應劭曰叮音若挺補注先謙曰句町縣在今臨安府通海縣東北也師古曰音劬挺補注先謙曰句町縣在今臨安府通海縣東北五里胡三省云毋波漢書作公波公古無字所見蓋別一本官本注在斬首捕虜有功下

者斬首捕虜有功其立毋波爲鈎町王大鴻臚廣明將率有功賜

爵關內侯食邑

元鳳元年春

應劭曰三年中鳳皇比下東海西樂鄉於是冠元焉

長公主共養勞苦復呂

藍田益長公主湯沐邑泗水戴王前薨呂毋祠國除後宮有遺腹

子煖

師古曰煖音許遠反

相內史不奏言上聞而憐之立煖爲泗水王相內

吏皆下獄三月賜郡國所選有行義者涿郡韓福等五人帛人五

十匹遣歸詔曰朕聞勞苦官職之事鄧展曰閔哀韓福等不忍勞役以官職之事其務

修孝弟曰教鄉里令郡縣常以正月賜羊酒有不幸者賜衣被一

襲祠呂中牢師古曰辛者吉而免凶也故死謂之不幸一襲武都

氏人反師古曰氏音丁奚反補注先謙曰武都氏地見西南夷傳遣執金吾

馬適建龍頌侯韓增師古曰姓馬適名建也龍頌漢書本或作龍

雒侯元鼎五年坐酎金免後元元年詔弟高壯侯韓頌當子諂封龍

悅漢紀龍雒皆爲額字崔浩曰雒音洛今河間龍雒村與弓高相

近然此既地名無別指義各依書字而讀之斯則通矣諂音女交

反補注錢大昭曰增表作曾額宣紀作雒竝誤先謙曰諂說之誤

失考大鴻臚廣明將三輔太常徒皆免刑擊之蘇林曰是時太常

據表先謙曰大鴻臚三字誤夏六月赦天下秋七月乙亥晦日有

蝕之既補注先謙曰五行志在張十二度乙作巳劉向以爲巳亥

則乙字試八月改始元爲元鳳九月鄂邑長公主燕王旦與左將軍上

官榮榮子票騎將軍安御史大夫桑弘羊皆謀反伏誅初榮安父

子與大將軍光爭權欲害之詐使人爲燕王旦上書言光罪時上

年十四

張晏曰武帝崩時八歲卽位於今七歲今年十五師古曰此云初榮安父子與大將軍爭權詐爲燕王上書蓋追道

前年事耳非今歲也

張說非之補

覺其詐後有譖光者上輒怒曰

大將軍國家忠臣先帝所屬

師古曰屬音之欲反

敢有譖毀者坐之光由是

得盡忠語在燕王霍光傳冬十月詔曰左將軍安陽侯榮票騎將

軍桑樂侯安御史大夫弘羊皆數曰邪枉干輔政

師古曰枉曲也以邪曲之事而

干求也補注先謙曰官本弘上有桑字

大將軍不聽而懷怨望與燕王通謀置驛往

來相約結燕王遣壽西長孫縱之等

蘇林曰壽西姓也長名也孫姓縱之名補注先謙曰官本

注在等字上

賂遺長公主丁外人謁者杜延年大將軍長史公孫遺等

交通私書

服虔曰外人主之所幸也晉灼曰漢語字少君師古曰此杜延年自別一人非下諫大夫也補注先謙曰官本

注自別作別自

共謀令長公主置酒伏兵殺大將軍光徵立燕王爲天子

大逆毋道故稻田使者燕倉先發覺

先慎曰燕倉子爲蓋主舍人
故得聞其謀見武五子傳

延年

爵位尊卑曰漢儀注徵事比六百石皆故吏二千石不以減罪免

者爲徵事絳衣奉朝賀丞相少史王壽誘將安入府門如淳曰漢儀注丞相

太尉大將軍史秩四百石武帝又置丞相少史秩四百石補注錢昭曰下文封延年倉宮壽則其人名壽功臣表作王山壽補史

王山記作
皆已伏誅吏民得已安封延年倉宮壽皆爲列侯又曰燕王

迷惑失道前與齊王子劉澤等爲逆抑而不揚補注周壽昌曰爾雅釋訓抑抑密也

言密之而望王反道自新師古曰所爲邪僻違失正道今迺與長

公主及左將軍桀等謀危宗廟補注先謙曰官本無及字王及公主皆自伏辜

其赦王太子建公主子文信及宗室子與燕王上官桀等謀反父

母同產當坐者皆免爲庶人其吏爲桀等所誣誤未發覺在吏者

除其罪

師古曰其罪未發未爲吏所執持者補注劉攽曰在吏謂發覺已在吏者

二年夏四月上自建章宮徙未央宮大置酒賜郎從官帛及宗室

子錢人二十萬吏民獻牛酒者賜帛人一匹六月赦天下詔曰朕

閱百姓未贍

師古曰贍足也前年減漕三百萬石師古曰減省轉漕頗省

乘輿馬及苑馬

師古曰乘輿馬謂天子所自乘以駕車輿者他皆類此補注先謙曰官本苑作苑是

郡三輔傳馬

張晏曰驛馬也師古曰傳音張戀反其令郡國毋斂今年馬口錢文穎

時有馬口出斂錢今省如清曰所謂租及六畜也補注沈三輔太

欽韓曰武帝令亭畜馬故斂民出錢爲市直芻秣費也

常郡得呂叔粟當賦如淳曰百官表太常主諸陵別治其縣爵秩

也師古曰諸應出賦算租稅者皆聽以叔粟當錢物也叔豆也補注顧炎武曰漢時田租本是叔粟今井口算雜征之用錢者皆令

以叔粟當之其獨行於三輔太常郡者不獨爲穀賤傷農亦以減漕三百萬石慮儲待之乏也何焯曰此事得禹貢甸服本意沈欽

韓曰案下六年亦令以叔粟當賦非常制也

周壽昌曰以近畿便於輸送若他郡則遠矣

三年春正月泰山有大石自起立上林有柳樹枯僵自起生

師古曰僵

偃也謂樹枯死偃臥在地者也偃音紀罷中牟苑賦貧民師古曰

詔曰夏反補注先謙曰詳五行志莊弘傳使

使者振困乏其止四年毋漕三年已前所振貸非丞相御史所請

邊郡受牛者勿收責應劭曰武帝始開三邊徙民屯田皆與犂牛

勿收責丞相所請夏四月少府徐仁廷尉王平左馮翊賈勝胡皆

坐縱反者補注先謙曰反者侯史仁自殺平勝胡皆要斬冬遼東

烏桓反補注先謙曰烏桓東胡舊部役屬匈奴武帝破匈奴左地

呂中郎將范明友爲度遼將軍應劭曰當度遼水往擊將北邊七

郡郡二千騎擊之補注齊召南曰匈奴傳明友爲度遼將軍將二

之數二萬

四年春正月丁亥帝加元服如淳曰元服謂初冠加上服也師古

首也冠者首之所著故曰元服其下汲黯傳序云上正元服是知

謂冠爲元服補注錢大昭曰惠紀皇帝冠與此書法不同沈欽韓

曰大戴禮記孝昭冠辭曰陛下離顯先帝之光耀以承皇天嘉祿
欽順仲夏之吉日此夏者為春之終也
休靈始加昭明之元服推遠雅意之跡遵並大德崇積文武之寵
德肅勤高祖廟六合之內靡不恩之陛下永與天無極
冠魯公十二年而冠晉侯曰國君十五而生子冠也
高魯公十二年而冠晉侯曰國君十五而生子冠也
年十八而冠東漢諸帝和帝十三安帝十六順帝十五並加元服
後立皇后昭帝先立后五年而後加元服此大臣不學而廷臣未
諍其失可怪也禮儀志則以正月甲子冠禮云夏葛屨冬皮屨明不
專在春司馬彪禮儀志則以正月甲子冠禮云夏葛屨冬皮屨明不
紀書正月誤耳先謙曰官本注正作加見于高廟賜諸侯王丞相
大將軍列侯宗室下至吏民金帛牛酒各有差賜中二千石以下
及天下民爵毋收四年五年口賦如漢儀注民年七歲至十
以食天子其三錢者武帝加口錢以補車騎馬補注何焯曰貢禹
上書言古民無賦算口錢起武帝征伐四夷重賦於民民產子三
歲則出口錢故民重困生子輒殺帝宜令兒七歲去齒乃出口錢年
二十乃算如淳所引漢儀注乃元帝以後之制也先謙曰官本注
馬下有三年已前述更賦未入者皆勿收更有錢更有過更古者
也字

正卒無常人皆當迭爲之一月一更是謂卒更也貧者欲得願更錢者次直者出錢願之月二千是謂踐更也天下人皆直戍邊三日亦名爲更律所謂縣戍也雖丞相子亦在戍邊之調不可人自行三日戍又行者當自戍三日不可往便還因便住一歲一更諸不行者出錢三百入官官以給戍者是謂更更也律說卒踐更者居也居更縣中五月乃更也後從尉律卒踐更一月休十一月也食貨志曰月爲更卒已復爲正一歲屯戍一歲力役三十倍於古此漢初因秦法而行之也後遂改易有謫乃戍邊一歲耳連未出更錢者也師古曰更音工衡反補注何焯曰如說更有三品有卒更有踐更有過更案其實則二也踐更卽是代人卒更但以月計私得雇直過更則是總代人繇戍以歲計人輸戍邊三日之直於官官爲給與久住之人也蓋卒更卽古者田賦出兵之制戍邊三日則仿力役之制爲之令天下酺五日甲戌丞相千秋薨師古曰田

千夏四月詔曰度遼將軍明友前召羌騎校尉將羌王侯君長呂

下擊益州反虜後復率擊武都反氏今破烏桓斬虜獲生有功師古

曰旣斬反虜又獲其封明友爲平陵侯平樂監傅介子持節使師古

生口也俘取曰獲其封明友爲平陵侯平樂監傅介子持節使師古

曰持節誅斬樓蘭王安歸首縣北闕封義陽侯補注先謙曰五月

而爲使誅斬樓蘭王安歸首縣北闕封義陽侯

補注先謙曰五月

上及羣臣皆素服發中二千

丁丑孝文廟正殿火

補注先謙曰五月

上及羣臣皆素服發中二千

石將五校作治六日成

師古曰率領五校之士以作治也校音下

射聲虎賁也

太常及廟令丞郎吏皆劾大不敬會赦太常轅陽侯德免

爲庶人

文穎曰轅音料德江德也轅陽在魏郡清淵師古曰會六

侯江德爲太常四年坐廟夜郎飲失火免與紀同水經淇水注云

昭帝封太常江德爲檢陽侯史記補表作潦陽侯江德田廣明傳

轅陽侯江喜又不言其有罪免官喜不見史傳其爲名德無疑傳

也

六月赦天下

五年春正月廣陵王來朝益國萬一千戶賜錢二十萬黃金二百

斤劔二安車一乘馬二駟

師古曰八匹也

夏大旱六月發三輔及郡國惡

少年吏有告劾亡者屯遼東

如淳曰告者爲人所告也劾者爲人

也告劾亡者謂被告劾而逃亡補注先

秋罷象郡分屬鬱林牂柯

諫曰官本注謂無賴子弟也謂作爲

象郡置日南郡以地志證之此時無象郡名且日南郡固始終

未罷也沈欽韓曰案此云分屬鬱林牂柯者非日南郡也日南郡

遠不得通隸牂柯馬氏與地考云秦之象郡即今合浦郡是也則

是年罷象郡者罷合浦郡也先謙曰官本柯作剗

冬十一月大雷十二月庚戌丞相訢薨

師古曰王訢也訢亦欣字

帝

六年春正月募郡國徒築遼東玄菟城夏赦天下詔曰夫穀賤傷

農師古曰糶多而錢少是爲傷也

今三輔太常穀減賤

鄭氏曰減音減少之減

其令曰叔粟

當今年賦

民以充實之後悉爲縣故與三輔同賦

右將軍張安世

宿衛忠謹封富平侯烏桓復犯塞遣度遼將軍范明友擊之

元平元年春二月詔曰天下已農桑爲本日者省用罷不急官

日謂非要職官補注先謙曰官本注無官字

減外繇

師古曰繇讀曰徭

耕桑者益眾而百姓未

能家給

師古曰給足也家家自給足是謂家給也補注先謙曰官本謂作爲

朕甚愍焉其減口賦錢

有司奏請減什三上許之甲申晨有流星大如月眾星皆隨西行

夏四月癸未帝崩于未央宮

臣瓚曰帝年九歲卽位卽位十三年壽二十二師古曰帝年八歲卽位明

年改元改元之後凡十三年年二十一

六月壬申葬平陵

臣瓚曰自崩至葬凡四十九日平陵在長安西北七

十里補注先謙曰平陵爲縣志屬扶風

贊曰昔周成已孺子繼統而有管蔡四國流言之變

師古曰四國謂管蔡商奄

也流放也武王崩成王幼弱周公攝政四國乃流言曰公將不利於孺子遂致雷風之異成王既見金縢之冊乃不疑周公事見幽詩及周書大誥孝昭幼年卽位亦有燕盍上官逆亂之謀

補注錢大昭曰盍與蓋同卽長

主成王不疑周公孝昭委任霍光各因其時已成名大矣哉承孝

武奢侈餘敝師旅之後海內虛耗戶口減半

師古曰耗損也音火到反減讀爲減省之

滅補注何焯曰武帝之失因事著見所謂不溢美不隱惡也

光知時務之要輕繇薄賦與民休

息師古曰繇讀曰徭

至始元元鳳之間匈奴和親百姓充實舉賢良文學

問民所疾苦議鹽鐵而罷榷酤尊號曰昭不亦宜乎

昭帝紀第七終

漢書七

宣帝紀第八

漢書八

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級 臣王先謙補注

孝宣皇帝 荀悅曰諱詢字次卿詢之字曰謀應劭曰諡法聖善周聞曰宣補注錢大昭曰帝初名病已元康二年改名詢

武帝曾孫戾太子孫也 韋昭曰以違戾擅發兵故諡曰戾臣賈曰

帝覺寤遂族充家宣帝不得以加惡諡也董仲舒曰有其功無其

意謂之戾無其功有其意謂之罪師古曰賈說是也補注周壽昌

曰說文戾曲也從犬出戶下戾者身曲也漢宣未必忍以惡諡加

其祖蓋言身受曲戾不能自伸先謙曰不得以猶不得已也官本

舒下有太子納史良娣 服虔曰史姓也良娣官也師古曰太子有

書字生史皇孫 師古曰以外家姓稱之故曰史皇孫補注先謙曰皇孫名進皇孫納王夫人生宣帝

號曰皇曾孫生數月遭巫蠱事太子良娣皇孫王夫人皆遇害語

在太子傳曾孫雖在襁緥 李奇曰襁緥也以緇布爲之絡負小兒

緥小兒大藉也孟康曰緥小兒被也師

古曰祿卽今之小兒繻也祿孟說是猶坐收繫郡邸獄如淳曰謂

也祿音居丈反繻音保繻音補耕反

大鴻臚此蓋巫蠱獄繫收繫者眾故曾孫寄在郡邸獄而郗吉爲

廷尉監本郗作丙百官表廷尉有左右監秩千石治巫蠱於郡邸

憐曾孫之亡率使女徒復作淮陽趙徵卿渭城胡組更乳養

作者女徒也謂輕罪男子守邊一歲女子輒弱不任守復令作於

官亦一歲故謂之復作徒也孟康曰復音服謂弛刑徒也有赦令

詔書去其鉗鉗衣更犯事不從徒加與民爲例故當復爲官作

人胡組渭城人皆女徒也二人更選孔養曾孫而郗吉傳云郭徵

卿紀傳不同未知孰是更音工衡反補注周壽昌曰案此復作女

徒或傳其家姓或傳其私給衣食視遇甚有恩巫蠱事連歲不決

夫姓故紀傳有異同也

至後元二年補注劉攽曰案武帝後元二年無赦元年乃有之蓋

後又誤爲二年耳吳仁傑曰武紀後元二年行幸五柞宮宣紀丙吉

傳皆云是年帝幸五柞宮曾孫遭赦則事在二年非元年也後元

二年無赦在武紀文則爾案是歲凡再赦六月之赦在昭帝卽位

之後二月之赦則丙吉傳所載是也傳言吉拒使者使者因劾奏

吉武帝寤曰天使之也因赦天下郡邸獄繫者恩及四海武帝疾

矣所謂遭大赦者指此紀失於登載貢父亦偶不記其事

往來長楊五柞宮

師古曰長楊五柞二宮並在整厓皆以樹名望之帝往來二宮之間也柞字或作柞其音同

氣者言長安獄中有天子氣上遣使者分條中都官獄

師古曰中都官凡京

師諸官府也補注先

繫者輕重皆殺之內調者令郭穰夜至郡邸

獄

師古曰百官表云內者署屬少府續漢書志云掌宮中布張諸

字衍劉敞同齊召南曰案丙吉傳亦作內調者未必兩文並

閉使者不得入曾孫賴吉得全因遭大赦吉迺載曾孫送祖母史

良娣家語在吉及外戚傳後有詔掖庭養視上屬籍宗正

應劭曰掖庭宮

人之官有令丞宦者爲之詔敕掖庭養視之始令宗正著其屬籍

時掖庭令張賀嘗事戾太子思

顧舊恩

師古曰顧念也

哀曾孫奉養甚謹已私錢供給敎書既壯爲取暴

室嗇夫許廣漢女

應劭曰暴室宮人獄也今日薄室許廣漢坐法

作染練之署故謂之暴室取暴驪爲名耳或云薄室者薄亦暴也

今俗語亦云薄驪蓋暴室職務既多因爲置獄主治其罪人故往

縣鄉之嗇夫也囑音所懈反又音所智反補注周壽昌曰自鄉嗇

夫外有上林苑音夫廢晉夫暴室曾孫因依倚廣漢兄弟及祖

母家史氏音師古曰倚受詩於東海馮中翁服虔曰馮音馮師古曰

腹音房福反高材好學然亦喜游俠音許吏反鬪雞走馬具知閭

里姦邪吏治得失數上下諸陵師古曰諸陵皆據高敞地爲之縣

去則上來則下故言上下諸陵補注先謙曰顏說上周徧三輔師

下太泥諸陵相距遠近不一數往來故云上下耳

曰游行皆常困於蓮勺鹵中池縱廣十餘里其鄉人名爲鹵中蓮

至其處音輦勺音灼師古曰如說是也鹵者鹹地也今在櫟陽縣東其鄉

人謂此中爲鹵鹽池也補注沈欽韓曰唐會要鹵池在京北府奉

先縣大和二年度支奏鹵池側近百里取水柏柴燒灰煎鹽每石

灰得一大十二斤鹽明志華州蒲城縣西有西鹵池舊產鹽案鹵中

即煮鹵爲鹽者也先謙曰蓮勺馮尤樂杜鄠之間師古曰二縣之

郭屬扶風率常在下杜孟康曰在長安南師古曰率者總計之言

注長安南出東頭第一門名覆盎門其南有下杜城應劭云故杜

陵之下聚落也其地在杜陵縣之西南鄠縣東北所謂杜鄠之間

也若唐之杜城即漢杜陵縣時會朝請舍長安尚冠里文穎曰呂

後魏改名杜城者非下杜也

故歲時隨宗室朝會也如菑曰春曰朝秋曰請師古曰舍止也尚

冠者長安中里名帝會朝請之時卽於此里中止息請音才姓反

補注先謙曰通鑑注引身足下有毛臥居數有光燿師古曰通身

黃圖京兆尹治向冠里及足下皆有

毛每買餅所從買家輒大饑師古曰饑讀曰售補注錢大昭曰史

亦曰自是怪補注先謙曰是元平元年四月昭帝崩毋嗣大將軍

霍光請皇后徵昌邑王六月丙寅王受皇帝璽綬尊皇后曰皇太

后癸巳光奏王賀淫亂請廢語在賀及光傳秋七月光奏議曰禮

人道親親故尊祖尊祖故敬宗大宗毋嗣擇支子孫賢者爲嗣孝

武皇帝曾孫病已師古曰蓋以夙遭屯難而多病苦故名有詔掖

庭養視至今年十八師受詩論語孝經操行節儉慈仁愛人可曰

嗣孝昭皇帝後奉承祖宗子萬姓師古曰天子以萬姓爲子故云子萬姓奏可補注

曰皇太遣宗正德至曾孫尙冠里舍洗沐賜御府衣太僕曰軫獵

車奉迎曾孫文穎曰軫獵小車前有曲輿不衣也近世謂之軫獵

車也孟康曰今之載獵車也前有曲輪特高大獵時

立其中格射禽獸李奇曰南輿輕車也師古曰文李二說皆是時

未簡天子車駕故且取其輕便耳非藉高大也孟說失之輪音鈴

補注沈欽韓曰曲禮注奇車獵衣之屬正義曰獵車之形今之鉤

車是也陳祥道禮書引此輪獵車當之案續志重輶綬輪繆龍繞

之一曰就齊宗正府補注錢大昭庚申入未央宮見皇太后封爲

陽武侯師古曰先封侯者不欲立庶人爲己而羣臣奏上璽綬卽

皇帝位謁高廟補注先謙曰陽武河南縣王八月己巳丞相敞薨

師古曰九月大赦天下十一月壬子立皇后許氏賜諸侯王弓下

金錢至吏民鰥寡孤獨各有差皇太后歸長樂宮補注何焯曰宣

帝秋七月卽位十一月太后乃歸長樂宮者懲昌邑前事也先謙曰通鑑胡注漢

太后常居長樂宮皇太后自昌邑之廢居未央宮今宣帝既立復

居長樂宮也長樂宮初置屯衛補注周壽昌曰高后紀斬長樂衛尉呂

長樂在漢初已置衛矣百官表云不常置蓋置而旋廢至是又置

之故云初置也先謙曰宮本脫長樂宮三字通鑑亦有荀紀作長

樂初置屯衛無宮字

本始元年春正月募郡國吏民訾百萬以上徙平陵文穎曰遣使

者持節詔郡國二千石謹牧養民而風德化

師古曰以德化被於下故云風也詩序曰

上以風化下

大將軍光稽首歸政上謙讓委任焉論定策功益封大將

軍光萬七千戶車騎將軍光祿勳富平侯安世萬戶

李斐曰居光祿位以車騎

官號尊之無車騎官屬補注

錢大昭曰李說非也百官表元鳳元年光祿勳張安世爲右將軍光祿勳六年遷元平元年右將軍安

世爲車騎將軍光祿勳七年遷是安世初爲右將軍光祿勳故表

云光祿勳并右將軍也追改官車騎仍兼光祿勳車騎本非加銜

安得謂之無官屬乎詔曰故丞相安平侯敞等居位守職與大將軍光車騎

將軍安世建議定策曰安宗廟功賞未加而薨其益封敞嗣子忠

及丞相陽平侯義

師古曰蔡義

度遼將軍

平陵侯明友

師古曰范明友前將軍

龍雒侯增

師古曰韓增

太僕建平侯延年

師古曰杜延年

太常蒲侯昌

師古曰蘇昌

諫大夫宜春侯譚

師古曰王譚

當塗侯平

師古曰捕反者胡倩功封當塗侯其

子聖以定策功益封凡二千二百戶今此紀言杜侯屠耆堂蘇林

當塗侯平與表乖錯未知孰是或者有二名乎杜侯屠耆堂蘇林

復陸其祖父復陸支本匈奴胡也歸義爲屬國王從驃騎有功乃

更封也補注錢大昭曰堂字衍功臣表但云屠耆本紀五鳳三年

更封也補注錢大昭曰堂字衍功臣表但云屠耆本紀五鳳三年

匈奴虛閭權渠單于死右賢王屠耆堂代立非杜侯也長信少府

霍光傳亦誤作屠耆堂說者乃謂功臣表脫堂字誤矣

關內侯勝

師古曰夏侯勝

邑戶各有差封御史大夫廣明爲昌水侯

師古曰田

廣明後將軍充國爲營平侯

師古曰趙充國

大司農延年爲陽城侯

師古曰田延年

少府樂成爲爰氏侯

師古曰史樂成

光祿大夫遷爲平丘侯

師古曰王遷賜右

扶風德

師古曰周德

典屬國武

師古曰蘇武

廷尉光

師古曰李光

宗正德

師古曰楚元王

之曾孫劉辟彊子

大鴻臚賢

師古曰韋賢

詹事

師古曰蘇林曰崎音踰隻之踰師古曰宋崎也音居宜反補注先

謙曰宋崎之崎

光祿大夫吉丙吉曰京輔都尉廣漢

官本作崎是

光祿大夫吉

師古曰丙吉

京輔都尉廣漢

師古曰趙廣漢

皆有都尉如諸郡左輔都尉治華陰南陵右

爵皆關內侯德武食邑

張晏

曰舊關內侯無邑也以蘇武守節外國劉德宗室俊彥特令食

邑補注錢大昕曰案上文右扶風德在蘇武之前宗正德在武之

後此文先德後武則是周德非劉德也蘇武傳稱賜爵關內侯食

邑三百戶而劉德傳無食邑之文張說似未可信先謙曰韋賢食

邑見本傳是食夏四月庚午地震詔內郡國舉文學高第各一人

師古曰中國爲內郡錄邊有夷狄障塞者爲外郡成帝侍侍字南監

方正北邊二十二郡舉勇猛士補注錢大昭曰成帝侍侍字南監

本國本竝作時先謙曰官本作時是

五月鳳皇集膠東千乘赦天下賜吏二千石諸

侯相下至中都官宦吏六百石爵各有差

如淳曰中都官宦吏屯人為吏者也晉灼曰凡

職在京師者也師古曰二說皆非也中

自左更至五大夫

師古曰左更第

十二爵也五大夫第九爵也更音工衡反補注劉敞曰案此賜爵

不及中二千石者緣王卽位九侯率已為關內侯矣齊召南曰案

兩句俱有講字宣帝以庶人封侯卽帝位並未為王也九侯二字

尤不可解據前文自田廣明以下新封五侯而已以文義推之應

作綏帝卽位九卿率已為關內侯卽指上文之右賜天下人爵各

扶風德典屬國武廷尉光宗正德大鴻臚賢等也

一級

補注錢大昭曰人當作民

故皇太子在湖未有號諡

師古曰湖縣名也死於湖因卽葬焉

歲時祠其議諡置園

邑語在太子傳秋七月詔立燕刺王太子建為廣陽王

師古曰刺音來易反

立廣陵王胥少子弘為高密王

補注齊召南曰案封廣陽王表作五月封高密王表作十月

二年春曰水衡錢為平陵徙民起第宅

應劭曰水衡與少府皆天子私藏耳縣官公作當仰

積司農今出水衡錢言宣帝卽位為異政也晉灼曰食貨志初大

可農管鹽鐵官布多故置水衡欲以主鹽鐵及楊可告緡上林財

物眾乃令水衡主上林上林三官主鑄錢也補注何焯曰於為人後之恩有加隆也大司農陽城侯田延年

有罪自殺

師古曰坐增

夏五月詔曰朕曰眇身奉承祖宗夙夜惟

念孝武皇帝躬履仁義選明將討不服匈奴遠遁平氏羌昆明南

越百蠻鄉風

師古曰鄉讀曰嚮也

款塞來享

應劭曰款叩也皆叩塞門來服從也如滔曰款寬也請除守塞

否自保不爲寇害也故曰款五原塞師古曰應說建太學修郊祀是也此汎說夷狄來賓之事非呼韓邪保塞意也

定正朔協音律封泰山塞宣房

蘇林曰隄名在東郡界李斐曰決河上宮名也張晏曰瓠子隄名師

古曰蘇張

符瑞應寶鼎出白麟獲功德茂盛不能盡宣而廟樂未

二說皆是

稱師古曰其議奏有司奏請宜加尊號六月庚午尊孝武廟爲世

宗廟奏盛德文始五行之舞

應劭曰宣帝復采昭德之舞爲盛德舞以尊世宗廟也諸帝廟皆常奏文

始四時五行舞也

天子世世獻武帝巡狩所幸之郡國皆立廟賜民爵一

級女子百戶牛酒匈奴數侵邊又西伐烏孫烏孫昆彌及公主因

國使者上書

師古曰昆彌烏孫王之號也國使者漢朝之使也

言昆彌願發國精兵擊匈奴

奴唯天子哀憐出兵已救公主秋大發興調關東輕車銳卒

師古調

亦選也銳利也言其

選郡國吏三百石伉健習騎射者皆從軍

古師

勇利也調音徒鈞反

曰伉強也御史大夫田廣明爲祁連將軍

應劭曰祁連匈奴中山名也諸將分部廣明值

音口浪反此山因爲號也師

後將軍趙充國爲蒲類將軍

應劭曰蒲類匈奴中海名也在

古曰祁音上夷反

敦煌北晉灼曰匈奴傳有蒲類澤師古曰晉說是也補注先謙曰

蒲類澤即蒲類海如蒲昌海之比水湍不流名爲海子邊地多有

之應晉

說一也雲中太守田順爲虎牙將軍及度遼將軍范明友前將軍

韓增凡五將軍兵十五萬騎校尉常惠持節護烏孫兵咸擊匈奴

三年春正月癸亥皇后許氏崩

補注先謙曰爲霍顯藥弑

戊辰五將軍師發長

安夏五月軍罷祁連將軍廣明虎牙將軍順有罪下有司皆自殺

晉灼曰田千秋子也廣明坐還蒲類坐增虜獲補注齊召南曰廣

明與順皆姓田而順則千秋子也注田上應有順字各本俱誤脫

耳校尉常惠將烏孫兵入匈奴右地大克獲封列侯

補注先謙曰五行

庭義王大旱

志云東西數千里

郡國傷旱甚者民毋出租賦三輔民

就賤者且毋收事盡四年

晉灼曰不給官役也師古曰收謂租賦也事謂役使也盡本始四年而止

月己丑丞相義薨

師古曰蔡義

四年春正月詔曰蓋聞農者興德之本也今歲不登已遣使者振

貸困乏其令太官損膳省宰

師古曰膳具食也食之善者也宰爲屠殺也省減也漢儀注太宰令屠者

七十二人宰二百人

樂府減樂人使歸就農業丞相曰下至都官令丞

師古曰都

官令丞京師諸署之令丞

上書入穀輸長安倉助貸貧民民曰車船載穀入關

者得毋用傳

師古曰傳傳符也欲穀之多故不問其出入也傳音張懸反補注周壽昌曰後世關津不稅穀米始此

三月乙卯立皇后霍氏賜丞相曰下至郎吏從官金錢帛各有差

赦天下夏四月壬寅郡國四十九地震或山崩水出

補注先謙曰五行志震河

南以東四十九郡北海琅邪壤祖宗廟城郭殺六千餘人

詔曰蓋災異者天地之戒也朕承洪

業奉宗廟託于士民之上未能和羣生迺者地震北海琅邪壤祖

宗廟朕甚懼焉丞相御史其與列侯中二千石博問經學之士有

呂應變

師古曰謂禦塞災異也

輔朕之不逮母有所諱令三輔太常內郡國

舉賢良方正各一人律令有可蠲除呂安百姓條奏被地震壞敗

甚者勿收租賦大赦天下上呂宗廟墮素服避正殿五日

師古曰墮者毀

也音火

五月鳳皇集北海安丘渚于

師古曰二縣皆屬北海郡補注先謙曰安丘在今青州府

規反安邱縣西南二十里渚干

秋廣川王吉有罪廢遷上庸自殺

宋祁補注

曰吉一作去字錢大昭曰坐烹姬不道表傳及漢紀吉皆作去此誤

地節元年

應劭曰以先者地震山崩水出於是改年曰地節欲令地得其節補注沈欽韓曰風俗通正失篇是年天下斷

獄四萬七千餘人

春正月有星孛于西方

補注先謙曰五行志去太白二丈所三月假郡國

貧民田

師古曰權以給之不常與夏六月詔曰蓋聞堯親九族曰和萬國師古

書堯典云克明峻德以親九族九族既睦平章百姓百姓昭明協和萬邦故詔引之補注先謙曰官本峻作俊朕蒙遺德

奉承聖業惟念宗室屬未盡而呂罪絕若有賢材改行勸善其復

屬使得自新

師古曰復音扶目反

冬十一月楚王延壽謀反自殺十二月癸

亥晦日有蝕之

補注先謙曰五行志在營室十五度

二年春三月庚午大司馬大將軍光薨詔曰大司馬大將軍博陸

侯師古曰尊之故不名

宿衛孝武皇帝三十餘年輔孝昭皇帝十有餘年遭

大難躬秉義率三公諸侯九卿大夫定萬世策呂安宗廟天下蒸

庶咸曰康寧

師古曰蒸庶眾人也康安也補注先謙曰官本庶眾作眾庶

功德茂盛朕甚嘉之

復其後世疇其爵邑

張晏曰律非始封十減二疇者等也言不復減也師古曰復音方目反

世世母

有所與

師古曰與讀曰豫

功如蕭相國夏四月鳳皇集魯郡

補注齊召南曰案魯是時

尚爲國

不得稱郡通鑑但云集魯可謂至慎王念孫曰漢有魯國無魯郡郡字後人所加魯即魯國猶上文言鳳皇集膠東耳通鑑

作鳳皇

集魯即用漢書之文非漢書有郡字而通鑑刪之也文選四子講德論注藝文類聚解瑞部下御覽刑法部十八羽族部二

引此竝作

鳳皇集魯宋書符瑞志同蘇與羣鳥從之

師古曰今流俗書本此下

曰當緣下

羣或作群傳寫者以形似誤衍羣鳥從之俗書本此下

云戊申立

皇太子而後年又有立皇太子事此蓋以元紀云元帝

二歲宣帝

即位入歲爲皇太子故後人妄於此書加之舊本無也

據疏廣及

丙吉傳竝云地節三年立皇太子此即明驗而或者妄爲臆說乖於實矣

大赦天下五月光祿大

夫平丘侯王遷有罪下獄死

補注錢大昭曰坐平尚書聽請受減六百萬

上始親政事

又思報大將軍功德迺復使樂平侯山領尚書事

師古曰霍山而光之兄孫

令羣臣得奏封事曰知下情五日一聽事曰下各奉職奏事

補注錢大

昭曰聽事下南監本闕本竝有自丞相三字先謙曰官本有自丞相三字通鑑同荀紀作丞相以下無自字

曰傳奏其

言應劭曰數陳也各自奏陳其言然後試之以官考其功德也師古曰傳讀曰敷補注先謙曰傳敷古通用據應注疑所見本作

數與今本異

考試功能侍中尚書功勞當遷及有異善厚加賞賜至于

子孫終不改易

師古曰言各久其職事也補注劉攽曰至于子孫謂賞賜逮及子孫非謂侍中尚書官至于子孫不改

易也先謙曰顏劉說皆是荀紀變其文作輒厚加賞錫不數改易則本書之旨益明

樞機周密品式備具

補注何焯曰久于其任則諳習故事故品式備具也由此尚書權重人主得倚以裁決庶務東漢政歸臺閣不任三公原於宣帝也上

下相安莫有苟且之意也

三年春三月詔曰蓋聞有功不賞有罪不誅雖唐虞猶不能已化

天下今膠東相成勞來不怠

師古曰王成也勞來者言慰勉而招延之也小雅鴻鴈之詩序曰勞來還

定安集之勞音盧到反來音盧代反補注王念孫曰平當傳亦作勞徠勞來雙聲字來亦勞也字本作勅說文曰勅勞勅也經史通作來又作徠勞來二字有訓爲勸勉者有訓爲恩勤者孟子滕文公篇勞之來之成帝紀勸農桑出入阡陌致勞來之龔遂傳勞來訓行郡中皆有畜積此皆訓爲勸勉者不被勞來爲不見勤故采大東篇職勞不來毛傳來勤也正義以不勞民離散不安其居後序曰杖杜以勤歸卽是勞來也鴻鴈序曰宣紀之勞來對下文而能勞來還定安集之此皆訓爲恩勤者也承上文行流民而言皆是流民八百餘口而言平當傳之勞徠亦承上文行流民而言皆是恩勤之義師古訓爲勸勉已失其指又以徠爲招徠而分勞徠爲二義愈失之矣

失之矣

流民自占八萬餘口

師古曰占者謂自隱度其戶口而著名籍也占音之臆反

治有異

等

師古曰政治異於常等

其秩成中二千石賜爵關內侯

補注先謙曰成事見循吏傳

又

曰鰥寡孤獨高年貧困之民朕所憐也前下詔假公田貸種食師古

吐貸音

其加賜鰥寡孤獨高年帛二千石嚴敎吏謹視遇毋令失

職

師古曰職常也失職謂失其常業也

令內郡國舉賢良方正可親民者夏四月戊

申立皇太子大赦天下賜御史大夫爵關內侯中二千石爵右庶

長

張晏曰自公孫弘後丞相常封列侯第二十等爵故賜御史大夫爵關內侯第十九等爵也右庶長第十一等爵也師古曰張

說非也此以立皇太子國之大慶故特賜天下當爲父後者爵一

級賜廣陵王黃金千斤諸侯王十五人黃金各百斤列侯在國者

八十七人黃金各二十斤冬十月詔曰迺者九月壬申地震朕甚

懼焉有能箴朕過失師古曰箴戒也及賢良方正直言極諫之士呂匡朕

之不逮師古曰匡正也毋諱有司李奇曰諱避也雖有司在朕既不德不

能附遠是呂邊境屯戍未息今復飭兵重屯久勞百姓師古曰飭讀與敕同

飭整也非所曰緩天下也其罷車騎將軍右將軍屯兵補注齊召南曰此罷兩將

軍之屯兵非罷將軍官也是時車騎將軍爲張安世右將軍爲霍禹帝此舉以收霍氏權柄耳又詔池籞未御幸

者假與貧民蘇林曰折竹以繩縣連禁禦使人不得往來律名爲籞服虔曰籞在池水中作室可用棲鳥鳥入中則捕

之應劭曰池者陂池也籞者禁苑也臣瓚曰籞者所以養鳥也設

爲藩落周覆其上令鳥不得出猶苑之畜獸池之畜魚也師古曰蘇應二

說是郡國宮館勿復修治流民還歸者假公田貸種食師古曰貸音吐

戴反種五穀種也音之勇反且勿算事師古曰不出算賦及給徭役十一月詔曰朕既不逮

導民不明

師古曰不逮者意慮不及也

反側晨興念慮萬方不忘元元唯恐羞

先帝聖德

師古曰羞謂忝辱也

故竝舉賢良方正已親萬姓厯載臻茲然而

俗化闕焉

師古曰多歷年載迄至于今

傳曰孝弟也者其爲仁之本與

師古曰論語載

有若之言

其令郡國舉孝弟有行義聞于鄉里者各一人十二月

初置廷尉平四人秩六百石

補注先謙曰因路溫舒之疏見溫舒傳及刑法志

省文山郡

并蜀

師古曰以其縣道隸蜀郡

四年春二月封外祖母爲博平君

補注先謙曰王夫人之母詳外戚傳

故鄧侯蕭何

曾孫建世爲侯詔曰導民已孝則天下順今百姓或遭衰絰凶災

師古曰衰音干同反

而吏繇事使不得葬

師古曰繇事謂役使之

傷孝子之心朕甚

憐之自今諸有大父母父母喪者勿繇事使得收斂送終盡其子

道

補注周壽昌曰後書陳忠傳元初三年有詔大臣得行三年喪服闋還職忠因上言孝宣皇帝舊令人從軍屯及給事縣官者

大父母死未滿三月皆勿繇令得葬送諸依此制據此舊令分析尤詳紀特述其大綱也

夏五月

補注先謙曰五行志山陽

齊陰雨雹如雞子殺二十人飛鳥皆死

詔曰父子之親夫婦之道天性也雖有患禍

猶蒙死而存之

師古曰

誠愛結于心仁厚之至也豈能違之哉自

今子首匿父母妻匿夫孫匿大父母皆勿坐

師古曰凡首匿者言為謀首而藏匿罪人

補注周壽昌曰顏說未晰直言首謀藏匿罪人耳

其父母匿子夫匿妻大父母匿孫罪殊

死皆上請廷尉已聞

補注何焯曰此詔最得法意非前人不知及此也蓋古者議事以制子首匿父母等固在

所原宥耳父母匿子情雖同而平居失於不教故坐之然猶必上請將權衡其輕重以行法或直原宥之也周壽昌曰鹽鐵論周秦篇父母之於子雖有罪猶匿之豈不欲服罪子為父隱父為子隱未聞父子之相坐也論語皇侃疏今王法許期親以上得相為隱不問其罪是也邢昺疏今律大功以上得相容隱告言父祖者入十惡蓋由漢宣此詔推廣之

立廣川惠王孫文為廣川王秋七月大司馬霍禹謀反詔曰迺者東織室令史張赦

應劭曰舊時有東西織室織作父繡郊廟之服令史其主者吏

使魏郡豪李竟

文穎曰有權冠

陽侯霍雲謀為大逆

如淳曰報白也師古曰此說非也謂張赦囚李竟傳言於霍雲與其謀反耳非告白其罪

也赦既為織室令史身在京師不須令李竟發之據霍禹傳其事明矣補注先謙曰官本注無下令字

朕曰大將軍

故抑而不揚翼其自新今大司馬博陸侯禹與母宣成侯夫人顯

及從昆弟冠陽侯雲樂平侯山

師古曰據霍光傳雲山皆去病之孫則於禹爲子行也今此紀言從

昆弟蓋轉寫者脫子字耳當言從昆弟子也補注洪頤煊曰霍光傳載此詔固作從昆弟子又恩澤侯表言光爲山雲之從祖祖父外戚傳言山雲爲去病之孫皆與光傳同惟魏相蕭望之傳言光兄子山爲異

友長信少府鄧廣漢中郎將任勝騎都尉趙平長安男子馮殷等

晉灼曰漢語字子都補注周壽昌曰漢辛延年羽林郎詩云昔有霍家奴姓馮名子都卽此馮殷詩中稱金吾子題曰羽林郎殷所居官職也或謂詔稱男子似非有官職者案漢時有官者亦稱男子功臣表德侯景建以長安大夫封侯劉屈氂傳作長安男子景建是也又疑霍光傳殷稱監奴不當有官案光傳霍氏奴入御史府欲闖大夫門御史爲叩頭謝又云使樂成以小家子得幸將軍至九卿封侯則以監奴謀爲大逆顯前又使女侍醫淳于衍進藥爲羽林郎無足異也

殺其哀后

師古曰殺讀曰弑其讀曰恭

謀毒太子欲危宗廟逆亂不道咸服其

辜

補注先謙曰官本服作伏

諸爲霍氏所誣誤未發覺在吏者皆赦除之八月

己酉皇后霍氏廢九月詔曰朕惟百姓失職不贍遣使者循行郡

國問民所疾苦

師古曰行音下更反

吏或營私煩擾不顧厥咎朕甚閔之今

年郡國頗被水災已振貸

師古曰貸音吐戴反

鹽民之食而賈咸貴

師古曰賈讀曰

價其下

眾庶重困

師古曰更增其困也重音直用反

其減天下鹽賈又曰令甲死

者不可生

文穎曰蕭何承秦法所作爲律令律經是也天子詔所增損不在律上者爲令甲者前帝第一令也如淳曰

令有先後故有令甲令乙令丙師古曰如說

是也甲乙者若今之第一第二篇耳

刑者不可息

李斐曰息滅也若黥

剗者雖欲改過其創瘢不可復滅也師古曰息謂生長也言

剗則願割之徒不可更生

長亦猶謂子爲息耳李說非也此先

帝之所重而吏未稱

師古曰稱副也

今繫者或曰掠辜若飢寒瘐死獄中

蘇林曰瘐病也囚徒病律名爲瘐如淳曰律囚以飢寒而死曰瘐

師古曰瘐病是也此言囚或以掠笞及飢寒及疾病而死如說非矣瘐音庾字或作撻其音亦同補注

蘇輿曰掠辜者情罪未得笞掠過當何用心逆人道也朕甚痛之

其令郡國歲上繫囚已掠笞若瘐死者所坐名縣爵里師古曰名

縣所屬縣也爵其身之丞相御史課殿最師古曰凡言殿最

官爵也里所居邑里也丞師古曰凡言殿最

也最凡要之首也課居先也殿音丁見反補注何

焯曰今法監斃罪囚管獄官有罰蓋始於宣帝十二月清河王

年有罪廢

補注錢大昭曰坐鳥獸行

遷房陵

元康元年春呂杜東原上爲初陵更名杜縣爲杜陵徙丞相將軍

列侯吏二千石訾百萬者杜陵三月詔曰迺者鳳皇集泰山陳畱

甘露降未央宮朕未能章先帝休烈

師古曰章明也休美也烈業也

協寧百姓承

天順地調序四時獲蒙嘉瑞賜茲祉福夙夜兢兢靡有驕色內省

匪解永惟罔極

師古曰省視也永長也惟思也罔無也極中也帝言內自視察不敢情怠長思正道恐無其中也解

諱曰解補注周壽昌曰極已也永惟罔極言永思之無已正與上匪解對文顏說失之先謙曰官本注正作政書不云乎

鳳皇來儀庶不允諧

師古曰虞書益稷之篇曰簫韶九成鳳皇來儀擊石拊石百獸率舞是乃眾官之長信皆和輯

和鳳皇以其容儀來下百獸相率舞蹈是乃眾官之長信皆和輯故神人交暢補注錢大昭曰不南監本闕本竝作尹先謙曰官本

作尹其赦天下徒賜勤事吏中二千石以下至六百石爵自中郎

更至五大夫

師古曰賜中郎更爵得至五大夫自此以上每爲等級而高賜也五大夫第九爵也一曰二千石至五大

夫自此以下而差降補注劉攽曰爵自中郎吏文誤蓋本云自中更至五大夫傳者誤以更爲吏遂衍出郎字與民爵不過公乘則

賜吏爵自五大夫而上也以中二千石爵中更二千石亦當左更
真比同千石當右庶長六百石則五大夫矣尋本始元年詔文則
知此說是蘇輿曰爵屬上爲句自中更至佐史自上二級民一級
五大夫猶本始詔云自左更至五大夫也

女子百戶牛酒加賜鰥寡孤獨三老孝弟力田帛所振貸勿收貢

五月立皇考廟益奉明園戶爲奉明縣師古曰奉明園卽皇考史

後追改也補注先謙曰奉明京兆縣在今西安府長安縣北復高皇帝功臣絳侯周勃等百三

十六人家子孫令奉祭祀謙曰通鑑考異云功臣表詔復家者皆

云元康四年其數非一不容盡訛蓋紀訛耳錢大昕云攷功臣表

諸功臣之後詔復家者實百二十三人與紀人數不合或表有脫

漏矣表稱元康四年而紀書於元年蓋有司奉詔檢校得實請於

朝而復之非一時所易了紀所書者下詔之歲表所書者賜復之

歲也先謙案錢說是官本注次下作以下世世勿絕其毋嗣者復其次秋八月詔曰朕

不明六藝鬱于大道孟康曰鬱不通也是呂陰陽風雨未時其博舉吏民

厥身修正通文學明於先王之術宣究其意者各二人師古曰究

劉攽曰此詔是下丞相御史者故云各二人下云中二千石各一
人於文似少潤飾何焯曰宣帝雖不甚用儒然於通經者未嘗不

加勸誘亦武帝家法也沈欽韓曰此詔丞相中二千石各一人冬
御史令各舉二人大司馬當亦如丞相御史

置建章衛尉

二年春正月詔曰書云文王作罰刑茲無赦師古曰周書康誥之
其有亂常違教者則刑之無放釋也今吏修身奉法未有能稱朕意朕甚愍焉其赦

天下與士大夫厲精更始

李斐曰今吏已修身奉法矣但不能稱

犯之者皆刑無赦今我意有所闕閔吏修身奉法矣而未稱其任
故特赦之與更始耳李說非也補注劉攽曰言吏修身奉法未有
能稱朕意故須赦也何則身不修則不能率下法不奉則或阿枉
如此則民坐罪者乃無辜安得如文王刑茲無赦也劉敞曰此詔
正謂吏未能修身奉法有稱上意者故特赦之與更始申儆之也
顏李以意疑宣帝不當謂吏皆未修身奉法乃斷其辭曲爲釋解
失之遠矣先謙曰攽說

是官本注無上耳字

二月乙丑立皇后王氏

師古曰王賜丞相

呂下至郎從官錢帛各有差三月呂鳳皇甘露降集賜天下吏爵

二級民一級女子百戶牛酒鰥寡孤獨高年帛夏五月詔曰獄者

萬民之命所呂禁暴止邪養育羣生也能使生者不怨死者不恨

則可謂文吏矣今則不然用法或持巧心析律貳端深淺不平

古師

日析分也謂分破律條妄生端緒召出入人罪

增辭飾非已成其罪奏不如實上亦亡繇

知謂也繇讀與由同

此朕之不明吏之不稱四方黎民將何仰

哉二千石各察官屬勿用此人吏務平法或擅興繇役飾廚傳稱

過使客

韋昭曰廚謂飲食傳謂傳舍言修飾意氣已稱過使而已師古曰使人及賓客來者稱其意而遣之令過去也稱音

尺孕反過者過度之過也

越職踰法已取名譽譬猶踐薄冰已待白日豈不殆

哉

師古曰殆危也

今天下頗被疾疫之災朕甚愍之其令郡國被災甚者

毋出今年租賦又曰問古天子之名難知而易諱也

補注先謙曰字不常用故

難知今百姓多上書觸諱已犯罪者朕甚憐之

補注周壽昌曰上書觸諱犯罪漢制無考

齊書王慈傳慈以朝堂諱榜非古舊制上表議廢儀曹郎任昉議云班諱之典爰自漢世降及有晉歷代無爽今之諱榜兼明義訓

邦之字國寶爲前事之徵名諱之重情敬斯極故懸諸朝堂摺紳所聚將使起伏晨昏不違耳目禁避之道昭然易從慈議遂止據

昉言是漢故有班諱之典石奮傳石建爲郎中令奏事下建讀之驚恐曰書馬者與尾而五今適四不足一獲譴死矣據此上書誤

一字猶慮誅死則觸諱之罪當更不輕唐律諸上書若奏事誤犯宗廟諱者杖八十口誤及餘文書誤犯者笞五十又云卽爲名字觸犯者徒三年若嫌名及二名偏其更諱詢補注何焯曰宣帝因犯者不坐援此亦可測漢制也
故更其名然則生而諱名前此已然疑起秦世周壽昌曰更讀曰庚禮記卒哭乃諱左傳周人以諱事神名終將諱之故生稱名死稱諱此宣帝生時詔亦云諱者漢名諱無異稱諱說文木部秀云上諱諱光武也示部祐云上諱則安帝也許慎卒於建光元年其子冲卽於其年奏上說文安帝尙存禮云大夫之所有公諱注辟君諱也是生稱諱也南燕錄慕容德卽皇帝位曰漢宣憫吏民犯諱故改名朕今增一偏字以爲復名庶開臣子諸觸諱在令前者赦避諱之路是慕容生自稱諱且引孝宣此事
之謂今詔書冬京兆尹趙廣漢有罪要斬補注錢大昕曰廣漢傳三歲又公卿表本始三年潁川太守趙廣漢爲京兆尹六年下獄要斬自本始三年數至地節四年恰是六年校之本傳後一年校之本紀又先二年俱不相合周壽昌曰通鑑載此事於元康元年考異云本紀元康二年冬廣漢有罪要斬百官表本始三年廣漢爲京兆尹六年要斬元康二年冬廣漢有罪要斬百官表本始三年廣漢直蕭望之劾奏廣漢推辱大臣望之自司直爲平原太守元康元年自平原太守爲少府然則廣漢死當在元康元年本紀誤也壽昌案考異正本紀之誤固當謂必在元康元年亦有可疑考蕭望之傳望之以大行治禮丞累遷諫大夫丞相司直歲中三遷官至二千石其後霍氏反誅望之沒益任用乃出爲平原太守考霍氏

之反在地節四年傳敘望之爲司直在前而云其後霍氏反知爲司直正當此年卽劾奏廣漢亦必在此年表於元康元年書平原太守蕭望之爲少府益可知望之爲司直在先一年而廣漢被誅不能踰四年之冬其書守京兆尹遺於元康元年廣漢於四年冬見法遺受任於元康元年春也

三年春召神爵數集泰山賜諸侯王丞相將軍列侯二千石金郎從官帛各有差賜天下吏爵二級民一級女子百戶牛酒鰥寡孤

獨高年帛三月詔曰蓋聞象有罪舜封之

應劭曰象者舜弟也日

猶封之於

骨肉之親絜而不殊

師古曰絜明也殊絕也補注吳仁傑曰地理

有鼻之國

志二百里蔡刊誤云蔡讀如蔡蔡叔之蔡案左傳正義周公殺管

叔而蔡蔡叔蔡字本絜字隸書改作絜遂失本體說文絜散之也

從米穀聲然則絜與蔡皆當作絜絜於說文訓散而昌邑王傳亦

載詔文作析而不殊散與析同義則絜之爲絜審矣顏依字釋之

疑非王念孫曰師古訓絜爲明骨肉之親明而不殊則文不成義故加數字解之甚矣其鑿也今案絜之言散也言骨肉之親雖分

散而終不殊絕也文選求通親親表骨肉之恩爽而不離李善注

漢書宣帝詔曰骨肉之親絜而不殊如烝曰絜或爲散是其明證

矣武五子傳載此詔作骨肉之親析而不殊析亦散也說文絜慤

絜散之也昭元年左傳周公殺管叔而蔡蔡叔杜注蔡放也釋文

上蔡字音素葛反放也說文作蔡正義蔡爲放散之義故訓爲放也散蔡蔡蔡語之轉皆謂分散也蔡之爲蔡猶翠蔡之爲翠蔡矣

王賀爲海昏侯

補注先謙曰事詳賀傳海昏豫章縣

又曰朕微眇時御史大夫丙吉

中郎將史曾史玄長樂衛尉許舜侍中光祿大夫許延壽皆與朕

有舊恩及故掖庭令張賀輔導朕躬修文學經術恩惠卓異厥功

茂焉詩不云乎無德不報

師古曰大雅抑之詩也言受人之德必有報也

封賀所子弟子

侍中中郎將彭祖爲陽都侯

如淳曰賀張安世兄有一子早死故彭祖爲子師古曰所子者言養弟

子弓爲子補注何焯曰平帝元始元年始著令諸侯王公列侯關

內侯亡子而有孫若子同產子者皆得以爲嗣彭祖特以賀舊恩

得封殊數也周壽昌曰安世傳內封關內侯彭祖無追賜賀諡曰

陽都哀侯吉曾玄舜延壽皆爲列侯故人下至郡邸獄復作

師古謂

胡組趙徵卿之輩也復音扶目

嘗有阿保之功

臣瓚曰阿皆受官

反補注

朱謙曰官本注無音字

祿田宅財物各已恩深淺報之夏六月詔曰前年夏神爵集雍

晉灼曰漢注大如鵠爵黃喉白頸黑背腹斑文也師古曰鵠音晏今春五色鳥已萬數飛過屬縣

師古曰三輔諸縣也翱翔而舞欲集未下其令三輔毋得已春夏獼巢探卵彈

射飛鳥師古曰隨音佗玖反射音食亦反補注宋祁曰南本飛鳥下有畢年二字具爲令補注蘇輿曰上祇一事不當言具疑著

立皇子欽爲淮陽王

四年春正月詔曰朕惟耆老之人髮齒墮落血氣衰微亦亡暴虐

之心今或罹文法拘執囹圄不終天命朕甚憐之自今已來諸年

八十以上非誣告殺傷人佗皆勿坐師古曰誣告人及殺傷人皆如舊法其餘則不論補注何

焯曰誣告人與殺傷人同在不以老耄縱舍之科當時誣告之重如此遣大中大夫彊等十二人

洪頤煊曰彊李彊也公卿表元康四年太中大夫李彊中君守少府神爵三年少府李彊爲大鴻臚杜陵人素善揚雄爲益州牧見

王貢兩龔傳序少府李彊議見蕭望之傳李慈循行天下師古曰銘曰王貢兩龔傳序所云之李彊當別是一人行音下

更存問鰥寡覽觀風俗察吏治得失舉茂材異倫之士二月河東

霍徵史等謀反誅三月詔曰迺者神爵五采已萬數集長樂未央

北宮高寢甘泉泰畤殿中及上林苑朕之不逮寡于德厚屢獲嘉

祥非朕之任

補注蘇輿曰言非朕所克當

其賜天下吏爵二級民一級女子百

戶牛酒加賜三老孝弟力田帛人二匹鰥寡孤獨各一匹秋八月

賜故右扶風尹翁歸子黃金百斤已奉其祭祀又賜功臣適後

古師

曰適讀曰嫡承嗣者也或子或孫不拘後裔故

總言後也補注先謙曰官本注在人二十斤下黃金人二十斤丙

寅大司馬衛將軍安世薨比年豐穀石五錢

師古曰比類也補注周壽昌曰食貨志宣

帝即位歲數豐穰穀至石五錢農人少利案穀賤傷農不止少利而已此取壽昌常平倉之法不能不行也

神爵元年

應劭曰前年神爵集於長樂宮故改年補注吳仁傑曰郊祀志明言帝幸河東祠后土有神爵集故改元爲神

爵劭舉前年長樂宮事非下文載改元詔曰幸萬歲宮神爵集其以五年爲神爵元年案黃圖萬歲宮在汾陰正祠后土處也上

文云神爵仍集謂二年集雍三年集泰山四年集長樂也又恩敘金芝奇獸白虎威鳳珍祥之眾未乃言萬歲宮神爵則冠元之意

在此不在彼先謙曰官本注改下作元是

春正月行幸甘泉郊泰畤三月行幸河東祠

后土詔曰朕承宗廟戰戰栗栗惟萬事統未燭厥理

師古曰惟思也統緒也燭

也適元康四年嘉穀玄稷降于郡國

服虔曰玄稷黑粟也補注沈欽韓曰藝文類聚引古今注

云元康四年長安雨黑黍粟又云南陽雨豆詔指此

神爵仍集

師古曰仍頻也

金芝九莖產于函德

殿銅池中

服虔曰金芝色像金也如淳曰函亦舍也銅池承露也晉灼曰已銅作池也師古曰函德殿名也銅池承露是

也曰銅爲之函讀與舍同補注先謙曰此漢鏡歌上陵曲所稱甘露初二年芝生銅池中仙人下來飲延壽千萬歲也

九真

獸奇獸

蘇林曰白象也晉灼曰漢注駒形鱗色牛角仁而愛人師古曰非白象也晉說是矣補注先謙曰官本鱗作麟是

南郡獲白虎威鳳爲寶

服虔曰威鳳鳥名也晉灼曰鳳之有威儀者也與尚書鳳皇來儀同意師古曰晉說

是朕之不明震于珍物

服虔曰震驚也蘇林曰震動也珍物瑞應也師古曰震驚也蘇林曰震動也珍物瑞應也

補注何焯曰以震爲驚乃與下懼不能任之意協服

說是先謙曰震者悚敬之意與武紀震于怪物義同飭躬齋精所

爲百姓

師古曰飭與敕同爲音于僞反東濟大河天氣清靜神魚舞河幸萬壽宮

神爵翔集

服虔曰萬歲宮在東郡平陽縣今有津晉灼曰黃朕之圖汾陰有萬歲宮是時幸河東師古曰晉說是

不德懼不能任其旨五年爲神爵元年賜天下勤事吏爵二級民

一級女子百戶牛酒鰥寡孤獨高年帛所振貸物勿收行所過毋

出田租西羌反發三輔中都官徒弛刑

李奇曰弛廢也謂若今徒解鉗鈇緒衣置任輸作也

師古曰中都官京師諸官府也漢儀注長安中諸官獄三十六所弛刑李說是也若今徒囚但不枷鎖而責保散役之耳弛音式爾

反及應募飲飛射士

服虔曰周時度江越人在船下負船將覆之飲飛入水殺之漢因以材力名官如灌曰呂

氏春秋制有茲非得寶劍於干將度江中流兩蛟繞舟茲非拔寶劍赴江刺兩蛟殺之荆王聞之任曰執圭後世曰爲勇力之官茲

飲音相近臣瓚曰本素左弋官也武帝改曰飲飛官有一令九丞在上林苑中結繒繳弋鳬鴈歲萬頭曰供祀宗廟許慎曰飲便利

也便利繒繳弋鳬鴈故曰飲飛詩曰扶搖既飲者也師古曰取古勇力人曰名官熊渠之類是也亦因取其便利輕疾若飛故號

飲飛弋鳬鴈事自使飲飛爲之非取飛鳥爲名瓚說失之飲音羽次補注周壽昌曰注挾拾詩本作決拾先謙曰官本注度作渡羽

林孤兒應劭曰天有羽林大將軍之星林論若林本之盛羽羽翼

之于養羽林官教曰五兵號曰羽林孤兒少壯令從軍死事者漢儀注羽林從官七百八補注先謙曰官本諡作喻是胡越騎三

河潁川沛郡淮陽汝南材官金城隴西天水安定北地上郡騎士

羌騎詣金城夏四月遣後將軍趙充國疆弩將軍許延壽擊西羌

羌騎詣金城夏四月遣後將軍趙充國疆弩將軍許延壽擊西羌

六月有星孛于東方卽拜酒泉太守辛武賢爲破羌將軍

師古曰卽就也

就酒泉而拜之不徵入

與兩將軍竝進

師古曰兩將軍卽趙充國許延壽

詔曰軍旅暴露轉

輸煩勞其令諸侯王列侯蠻夷王侯君長當朝二年者皆毋朝

師古

曰朝來年秋

補注先謙曰五行志云大旱

賜故大司農朱邑子黃金百斤呂奉

祭祀後將軍充國言屯田之計語在充國傳

二年春二月詔曰迺者正月乙丑鳳皇甘露降集京師羣鳥從呂

萬數朕之不德屢獲天福

補注錢大昭曰屢漢書皆作斐此獨不然誤

祇事不忘其赦

天下夏五月羌虜降服斬其首惡大豪楊玉首非首

文穎曰羌胡名大帥爲酋

如中國言魁非首其名也如滔曰酋音酒醕熟師古曰文說失矣酋者自其魁帥之稱而此酋不當其義也蓋首惡者唱首爲惡也

大豪者魁帥也楊玉及酋非皆人名言斬此二人之首級耳既已言大豪不當重言酋且趙充國傳又云酋非楊玉首此其明驗也

酋音才由反補注宋祁曰子案醕非字當爲酋音酒熟鄭注月令酒熟曰酋沈欽韓曰案趙充國傳明年五月充國奏請罷屯振旅

還其秋羌若零其斬先零大豪猶非楊玉首蓋充國以五置金城

月還兵其時楊玉等未誅觀充國奏其明紀作五月誤

屬國呂處降羌秋匈奴日逐王先賢揮

鄭氏曰揮音纏束之纏音灼曰音田師古曰鄭音是

也將人眾萬餘來降使都護西域騎都尉鄭吉迎日逐破車師皆

封列侯

補注蘇與曰先賢揮與吉皆封

九月司隸校尉蓋寬饒有罪下有司自殺

匈奴單于遣名王奉獻

師古曰名王者謂有大名以別諸小王也

賀正月始和親師古曰賀

來歲之

正月

三年春起樂游苑

師古曰三輔黃圖云在杜陵西北又關中記云宣帝立廟於曲池之北號樂游苑案其處則今之

所呼樂游廟者是也其餘基尚可識焉蓋本爲苑後因立廟乎樂

音來各反補注何焯曰樂游苑猶景帝之德陽宮皆自作廟也微

時尤樂杜鵑之間故以杜東原爲初陵而以樂游名苑沈欽韓

曰長安志樂游廟在萬安縣南八里亦曰樂游原

三月丙午丞相薨

師古曰魏相

秋八月詔曰吏不廉平則

治道衰今小吏皆勤事而奉祿薄

師古曰奉音扶用反其下亦同

欲其毋侵漁百

姓難矣

如淳曰漁奪也謂奪其利便也晉灼曰許慎云捕魚之字也師古曰漁者若言漁獵也晉說是也

其益吏

百石以下奉十五

如淳曰律百石奉月六百韋昭曰若食一斛則益五斗補注宋祁曰刊誤據後漢志及師古百

官表注當云律百石奉月十六斛先謙曰通鑑考異云荀紀云益更百石以下俸五十斛蓋以十五難曉故敗之然詔云以下恐難指五十斛也

四年春二月詔曰迺者鳳皇甘露降集京師嘉瑞竝見修興泰一

五帝后土之祠祈爲百姓蒙祉福師古曰爲鸞鳳萬舉蜚覽翺翔

集止于旁

師古曰萬舉猶言舉已萬數也蜚古飛字也言鸞鳳飛翔鴻白鴈隨山林乍開乍合曾

不知日月明與此文可互證

齋戒之暮神光顯著薦鬯之夕神

光交錯

師古曰鬯香酒所召祭神

或降于天或登于地或從四方來集于壇上

帝嘉嚮海內承福

師古曰嚮讀曰饗

其赦天下賜民爵一級女子百戶牛

酒鰥寡孤獨高年帛夏四月潁川太守黃霸治行尤異秩中二

千石

如淳曰太守雖號二千石有千石八百石居者有功德茂異乃得滿秩霸得中二千石九卿秩也晉灼曰此直謂二千石

增秩爲中二千石耳不謂滿不滿也師古曰如說非也霸舊已二千石矣今增爲中二千石呂寵異之此與地節三年增膠東相王

成秩其事同耳漢制秩二千石者一歲得二千一百四十石實不滿二千石也其云中二千石者一歲得二千一百六十石舉成數

言之故曰中二賜爵關內侯黃金百斤及潁川吏民有行義者爵

人二級力田一級貞婦順女帛

補注周壽昌曰貞婦順女自古無稱自孝宣有此詔而後世婦女節

孝之旌準諸此矣順卽孝也孝應屬之婦以其爲女變文稱順也

令內郡國舉賢良可親民者各

一人五月匈奴單于遣弟呼雷若王勝之來朝

師古曰呼雷若者王之號也勝之其

人名補注先謙曰匈奴傳單于遣弟伊酋若王勝之入漢獻見卽其人此作呼雷若王譯音無定字也

冬十月鳳皇

十一集杜陵十一月河南太守嚴延年有罪棄市十二月鳳皇集

上林

五鳳元年

應劭曰先者鳳皇五至因呂改元云

春正月行幸甘泉郊泰畤皇太子冠

補注先謙曰通鑑考異云荀紀於元康三年二疏去位事已云皇太子冠至是又重複言之蓋誤也

皇太后賜丞相

將軍列侯中二千石帛人百匹大夫八十四匹

補注宋祁曰一本作夫丁八十四先

謙曰大讀曰太官本作太下有夫人六

又賜列侯嗣子爵五大夫

男子爲父後者爵一級夏赦徒作杜陵者冬十二月乙酉朔日有

蝕之

補注先謙曰五行志在癸亥十度

左馮翊韓延壽有罪棄市

補注錢大昭曰坐誣愆典法大

臣欲以解罪

二年春三月行幸雍祠五時

補注先謙曰通鑑作正月上幸甘泉

正月按漢制常以正月郊祀蓋荀悅作紀之時本猶未誤也又夏

楊惲傳云行必不至河東矣蓋時亦幸河東祠后土史脫之也

四月己丑大司馬車騎將軍增薨

師古曰韓增

秋八月詔曰夫婚姻之

禮人倫之大者也酒食之會所已行禮樂也

補注劉敞曰多樂字陽夏公曰古語多此

類非衍字也

今郡國二千石或擅爲苛禁禁民嫁娶不得具酒食相賀

召由是廢鄉黨之禮令民亡所樂非所已導民也詩不云乎民之

失德乾餱曰愆

師古曰小雅伐木之詩也餱食也愆過也言人無

餱音

勿行苛政

補注周壽昌曰禮郊特牲云昏禮不賀人之序也

侯音食相賀召至此特詔弛禁也田蚡傳元光四年蚡娶燕王女爲夫

人太后詔列侯宗室皆往賀似在武帝時已有賀婚之禮或此奉

特詔未通行民間曲禮爲酒食以召鄉黨

冬十一月匈奴呼遼累

單于帥眾來降

師古曰遼古速字累音力迫切補注周壽昌曰功臣表與此同但名爲烏鴈溫敦匈奴傳敦未爲單

于並不在五單于之列顏注呼遼累其官號也而三年下詔尙稱

爲呼遼累單于通鑑考異云或降時自稱單于或紀表二者誤也

壽昌謂此亦非誤班紀表就當時著記書之封爲列侯十二月平

通侯陽暉師古曰暉音於吻反補注錢大昭曰陽南坐前爲光祿

勳有罪免爲庶人不悔過怨望大逆不道要斬補注齊召南曰案

時但與戴長樂相告免官耳三年春正月癸卯丞相吉薨師古曰丙吉也三月行幸河東祠后土詔曰

往者匈奴數爲邊寇百姓被其害朕承至尊補注先謙曰言繼卽尊位未能綏

定補注先謙曰官本定作安匈奴虛閭權渠單于請求和親病死右賢王屠耆

堂代立骨肉大臣立虛閭權渠單于子爲呼韓邪單于擊殺屠耆

堂諸王竝自立分爲五單于更相攻擊師古曰更音工衡反死者已萬數畜

產大耗什八九師古曰耗損也言十損其八九也耗音呼到反人民飢餓相燔燒曰求食

師古曰燭焚也音扶元反

因大乖亂單于閼氏

服虔曰閼氏音焉支

子孫昆弟及呼遼果

單于名王右伊秩訾且渠當戶已下

師古曰伊秩訾且渠當戶皆匈奴官號也訾音子移反且

音子余反補注先謙曰官本注伊作尹

將眾五萬餘人來降歸義單于稱臣使弟奉

珍朝賀正月北邊晏然靡有兵革之事朕飭躬齊戒

師古曰飭與敕同 郊

上帝祠后土神光竝見或興于谷燭耀齊宮十有餘刻

師古曰燭亦照也刻

者言漏言時也

甘露降神爵集已詔有司告祠上帝宗廟三月辛丑鸞鳳

張晏曰門外闕內行馬之裏樹也補注先謙曰官本注行作衡飛下止

又集長樂宮東闕中樹上

也補注先謙曰官本注行作衡飛下止

地文章五色畱十餘刻吏民竝觀朕之不敏懼不能任婁蒙嘉瑞

獲茲祉福

師古曰婁古婁字

書不云乎雖休勿休祇事不怠

師古曰周書呂刑之辭言

雖見哀美勿自己爲有德美當敬於事無怠

公卿大夫其勗焉

日勗也

減天下口錢赦殊死已下賜民爵一級女子百戶牛酒大酺

五日加賜鰥寡孤獨高年帛置西河北地屬國已處匈奴降者

四年春正月廣陵王胥有罪自殺匈奴單于稱臣遣弟谷蠡王入

侍服虔曰谷音鹿韋昭曰蠡音如麗反師古曰谷服音是也蠡音落奚反補注先謙曰通鑑考異云按匈奴傳呼韓邪稱臣即遣

錄婁渠堂入侍事在明年時匈奴有三單于不知此單于爲誰也

呂邊塞亡寇滅戍卒什二大司

農中丞耿壽昌奏設常平倉賈而糶名曰常平倉見食貨志補注先謙曰兩賈字官本作賈字同省轉漕賜爵關內侯夏四月辛

丑晦日有蝕之補注王念孫曰晦當爲朔五行志云五鳳四年四月辛丑朔日有食之是爲正月朔慝未作左氏以

爲重異則當作朔明矣下文詔曰皇天見異以戒朕躬是朕之不逮吏之不

言異而此獨言異亦以其在正月之朔也漢紀孝宣紀通鑑漢紀十九竝作朔先謙

曰在畢十九度詔曰皇天見異呂戒朕躬是朕之不逮吏之不

稱也師古曰稱副也呂前使使者問民所疾苦復遣丞相御史掾二十四

人循行天下師古曰行音下更反舉冤獄察擅爲苛禁深刻不改者

甘露元年春正月行幸甘泉郊泰畤匈奴呼韓邪單于遣子右賢王

王銖婁渠堂入侍師古曰銖音殊二月丁巳大司馬車騎將軍延

壽薨

文穎曰許延壽補注錢大昭曰表與漢紀俱作三月

夏四月黃龍見新豐丙申太上皇

廟火

補注先謙曰五行志作中山太上皇廟災中山二字衍

甲辰孝文廟火

補注張照曰兩字左傳曰火人火之也儻係人火之必記事實故知並是災字之

譌四年未央宮宣室問火亦然先謙曰五行志作災但本書災火二字義不分析凡言災者志並在火不炎上傳中不能執人火天火爲說

上素服五日冬匈奴單于遣

弟左賢王來朝賀

二年春正月立皇子囂爲定陶王

師古曰囂音敖

詔曰迺者鳳皇甘露降

集黃龍登興醴泉滂流

補注吳仁傑曰案漢儒記禮有天降膏露地出醴泉之文故一時遵用其說王充非

之曰爾雅甘露時降萬物以嘉謂之醴泉醴泉乃甘露也今儒者或謂從地中出案爾雅釋水章使有醴泉泉從地出當於此章言

之何故反居四時章中乎然則醴泉甘露本一物也又曰衡陽嘗有甘露降劉貢父云此戾氣所成其名爵賜王定國謂當從博識

者求甘露爵錫之別案汝南先賢傳曰都尉聽事前有甘露降功曹鄭敬曰明府政事未能致甘露但木汁耳又陳祥明中松柏林

冬月出木體後主以爲甘露之瑞俗呼爲爵錫貢父所云其出於此王仲任曰欲驗爾雅之甘露以萬物豐熟災害不生此則甘露

之驗其言足枯槁榮茂音口老反神光竝見咸受禎祥師古曰禎正也祥福

也禎

音貞其赦天下減民算三十

師古曰一算減錢三十也

補注先賜

諸侯王丞相將軍列侯中二千石金錢各有差賜民爵一級女子

百戶牛酒鰥寡孤獨高年帛夏四月遣護軍都尉祿將兵擊珠崖

補注錢大昭曰祿漢紀作張祿先謙曰官本考證

秋九月立皇子

字爲東平王

補注錢大昕曰諸侯王表字

冬十二月行幸荊陽

宮

應劭曰宮在鄢秦文王所起伏儼曰在扶風李斐曰黃音倍師

黃爲倍故字又作倍負倍古通用夏本紀負尾地理志橫尾山古

文以爲倍尾月令云王黃生呂覽作王菩穆天子傳注云黃今菩

故以名其證也說文鄢右扶風鄢鄉讀若倍鄢鄉即黃鄉宮在其鄉

陽宮引應劭注宮在鄢秦屬玉觀服虔曰呂王飾因名焉在扶風

昭王起此作秦文王徵異屬玉觀李奇曰屬玉音驚鸞其上有此

鳥因呂爲名晉灼曰屬玉水鳥似鸛鵒呂名觀也師古曰晉說是

也屬音之欲反

補注周壽昌曰文選西都賦天子乃登屬玉之館

觀館字通黃圖云茂陵苑有鶴觀元紀作白鶴館又飛廉柱館史

記作蜚廉柱觀成帝紀甲觀畫堂元后傳作甲館畫堂上林蹕氏

館史記作

匈奴呼韓邪單于款五原塞

師古曰

願奉國珍朝三年

正月

師古曰欲於甘露三年正月行朝禮

詔有司議咸曰聖王之制施德行禮先京

師而後諸夏先諸夏而後夷狄詩云率禮不越

補注錢大昭曰毛詩禮作履古禮履

通蕭望之傳及韓詩外傳說苑竝引作率禮

遂視既發相土烈烈海外有截

文穎曰遂

也言契能使其民率禮不越法度徧承視其教令奉順而行也相

土契孫也烈烈威也截整齊也威武之盛烈烈然四海之外率服

商頌長發之詩此陛下聖德充塞天地光被四表

奴單于鄉風慕義

師古曰鄉讀曰嚮

舉國同心奉珍朝賀自古未之有也

單于非正朔所加王者所客也禮儀宜如諸侯王稱臣昧死再拜

位次諸侯王下詔曰蓋聞五帝三王禮所不施不及呂政

師古曰言荒外

之人非禮所設者政刑亦不及

今匈奴單于稱北藩臣朝正月朕之不逮德不能

言荒外

弘覆

補注王先慎曰通鑑無逮字以德

其已客禮待之位在諸侯

王上

補注何焯曰王者所客議中已發其端待以殊禮則恩

三年春正月行幸甘泉郊泰時匈奴呼韓邪單于稽侯獬來朝

應劭

曰獬音若訕李奇曰獬音山師古曰贊謁稱藩臣而不名賜已璽

綬冠帶衣裳安車駟馬黃金錦繡繒絮使有司道單于師古曰道讀曰導導

引先行就邸長安宿長平上自甘泉宿池陽宮上登長平阪如清

名也在池陽南上原之阪有長平觀去長安五十里師古曰涇水

之南原卽今所謂駐城阪也補注沈欽韓曰元和志長平阪在涇

陽縣西南五里池陽宮在縣西北八里涇陽縣志阪在縣西南

十里長安志長平阪俗名駐城阪師古注作駐城孟康曰左右當

單于謁師古曰不拜見也其左右當戶之羣皆列觀戶匈奴官名蠻

夷君長王侯迎者數萬人夾道陳上登渭橋咸稱萬歲單于就邸

置酒建章宮饗賜單于觀已珍寶師古曰觀示也二月單于罷歸之長樂

衛尉高昌侯忠晉灼曰功臣表董忠補注錢大昭曰之當作車騎

都尉昌晉灼曰韓昌騎都尉虎文穎曰不異姓晉灼曰百官表唯記三

注先謙曰官本將萬六千騎送單于單于居幕南保光祿城孟康

注異作知是

光祿徐自詔北邊振穀食鄧支單于遠遁師古曰鄧音質匈奴遂定詔曰

爲所築城

迺者鳳皇集新蔡羣鳥四面行列皆鄉鳳皇立呂萬數

師古曰行音胡鄧反

鄉讀曰鄉

其賜汝南太守帛百匹新蔡長吏三老孝弟力田縣寡孤獨

各有差賜民爵二級毋出今年租三月己丑丞相霸薨

文穎曰黃霸詔

諸儒講五經同異太子太傅蕭望之等平奏其議上親稱制臨決

焉

補注錢大昭曰時與議石渠者易家博士沛施雋黃門郎東萊

堪博士扶風張山拊謁者陳畱假倉詩家淮陽中尉魯韋元成博

士山陽張長安沛薛廣德禮家梁戴聖太子舍人沛聞人通漢公

羊家博士嚴彭祖侍郎申輓伊推宋顯許廣穀梁家議郎汝南尹

更始待詔劉向梁周慶丁姓中郎王亥其可考者凡二十三人議

奏之見於藝文志者書四十二篇禮三十八篇春秋三十九篇論

語十八篇五經雜議十八篇凡一百六十五篇易詩二經獨無議

奏班氏失載之耳周壽昌曰後書翟醜傳孝宣論六經於石渠章

崔注甘露三年詔講五經於殿中兼平公穀同異上親臨決時更

崇穀梁傳故言六經即此事也案前此本始四年四月詔傳問經

學之士元康元年八月詔云朕不明六藝鬱於大道瑕邱江公傳

云興穀梁春秋自元康中始講至甘露元年積十餘歲始明習乃

召五經名儒太子太傅蕭望之等大議殿中平公羊穀梁同異各

以經處是非據此開講自元康中至是始平議於殿中也劉向傳

會初立穀梁春秋徵更生受穀梁講論五經於石渠韋元成傳與

太子太傅蕭望之及五經諸儒雜論
迺立梁邱易大小夏侯尚書

穀梁春秋博士

補注錢大昭曰漢紀有公羊春秋左氏傳七字蓋

園興詳儒林傳先謙曰梁邱質大夏侯勝小夏侯建

四年夏廣川王海陽有罪廢

補注先謙曰坐禽獸行賊殺不辜

遷房陵冬十月丁

卯未央宮宣室閣火

黃龍元年

應劭曰先是黃龍見新豐因曰冠元焉師古曰漢注云

豐者於此五載矣補注劉攽曰案宣帝率四年然則應說非也見新

言改元甘露其夏黃龍見新豐其下乃云後間歲改元黃龍然後

又云正月復幸甘泉然則宣帝自追用五年前黃龍改元黃龍若

年黃龍見史官焉得不書漢注未可據也吳仁傑曰案蘇文忠公

云古者有喜則以名物周公得禾以名其書漢武得鼎以名其年

叔孫勝狄以名其子嘉禾事固出於當年至叔孫獲長秋僑如及

虺也豹也併以名其子三子則可疑孔穎達謂未必其年賴生三

子當是追以前事名之黃龍紀元豈其比邪元鼎當逆用後四年

事然是年始有年號若黃龍則前四年龍見新豐宜卽以春正月

此年紀元而漢注遂實以廣漢之說彼蓋不知有前比也

行幸甘泉郊泰畤匈奴呼韓邪單于來朝禮賜如初二月單于歸

國詔曰蓋聞上古之治君臣同心舉措曲直各得其所師古曰措置也音千

故是呂上下和洽海內康平其德弗可及已師古曰已語終辭朕既不明

數申詔公卿大夫務行寬大師古曰申束也謂約束之順民所疾苦師古曰知所疾苦則

順其意也將欲配三王之隆明先帝之德也今吏或呂不禁姦邪爲寬

大縱釋有罪爲不苛或呂酷惡爲賢皆失其中師古曰中音竹仲反奉詔宣

化如此豈不謬哉補注先謙曰官本謬作繆方今天下少事繇役省減兵革不

動而民多貧盜賊不止其咎安在上計簿具文而已師古曰雖有其文而實不

副也簿音步戶反其下亦同補注先謙曰而已當屬下讀言雖具文簿而已身圖避其課專務欺謾也顏誤已爲已從而已斷句則

文氣不屬務爲欺謾呂避其課師古曰謾誑言也音慢又音莫連反三公不呂爲意朕將

何任師古曰言無所委任諸請詔省卒徒自給者皆止應劭曰時有請云詔使出者省卒徒呂其

直自給不復取稟假雖有進入於官非舊章也故絕之張晏曰先是武帝呂用度不足宜有呂益官者或奉使求不受奉祿自省其

徒眾呂取其稟者或自給於是姦吏緣呂爲利所得多於本祿故絕之如滿曰是時有所省卒徒而羣臣有請之呂自給官府者先

時聽與之今更悔之不復聽也師古曰應張二說是也

御史察計簿疑非實者按之使眞僞

毋相亂三月有星孛于王良閣道入紫宮

蘇林曰皆星名補注沈欽韓曰晉書天文志王

良五星在奎北居河中其四星曰天駟一星曰王良閣道六星在王良前飛道也從紫宮至河神所乘也紫宮垣十五星一曰紫微大帝之坐也天子之常居也夏四月詔曰舉廉吏誠欲得其眞也吏六百石位

大夫有罪先請秩祿上通足已効其賢材自今以來毋得舉

韋昭曰吏

六百石者不得復舉爲廉吏也補注王敞原曰吏六百石有罪先請卽周禮議賞之遺意周官小司寇注議賞若今時吏墨綬有罪先請是也百官表秩比六百石以上皆銅印墨綬先鄭以爲貴者蓋漢制以紫綬爲公青綬爲卿墨綬比大夫六百石比大夫然有其法而無明文故趙廣漢爲平準令察廉爲陽翟令平準令適秩六百石是先時官秩六百石有舉廉者自有此明詔遂絕矣冬

十二月甲戌帝崩于未央宮

臣瓚曰帝年十八卽位卽位二十五年壽四十八補注錢大昕曰諸帝紀

書崩之後必書某月日葬某陵惟宣帝紀不書乃於元帝紀書初元元年正月辛丑孝宣皇帝葬杜陵以葬在踰年之後也王鳴盛曰監本作四十二汲古閣本八字誤其宣宣帝卽位明年乃改元壽四十三監本亦誤先謙曰八官本作三癸巳尊皇太后曰太皇太后

師古曰於此已書尊太皇太后而元紀之首又重書之然尊太皇太后及皇太后宜同一時則

元紀爲是而此紀誤重之補注周壽昌曰宣帝崩于十二月甲戌距癸巳元帝卽位二十日尊太皇太后皇太后皆卽位後禮也元帝未卽位誰爲尊之此條重出非史紀誤重傳寫之失也

贊曰孝宣之治信賞必罰

師古曰有功必賞有罪必罰

綜核名實政事文學法

理之士咸精其能至于技巧工匠器械自元成間鮮能及之

師古曰

鮮者器之總名也一曰有盛爲械無盛爲器鮮少也言少有能及之者鮮音先踐反

亦足呂知吏稱其職民

安其業也遭值匈奴乖亂推亡固存

李奇曰推亡者若紂爲無道天下若之有滅亡之形周武

遂推而弊之固存者譬如鄰國曰道流民上下一心勢必能存因就而堅固之今匈奴內自奮爭有事故宣帝能朝呼韓邪而固存之走郅支單于使遠遁是謂推亡也師古曰尙書仲虺之誥曰推亡國有邦乃其昌言有亡道者則推而滅之有存道者則輔而固之王者如此國乃昌盛故此贊引信威北夷師古曰信讀爲中古之補注先謙曰官本注弊作微通用字一說恩信及威並著北夷補注先謙單于慕義稽首稱藩功光祖宗業垂後嗣曰初三省云前音是

可謂中興侔德殷宗周宣矣

師古曰侔等殷之高宗及周宣王也

宣帝紀第八

終

漢書八

元帝紀第九

漢書九

漢 蘭

臺

令

史班 固

撰

唐正議大夫行祕書少監琅邪縣開國子顏師古

注

賜進士出身前翰林院編修國子監祭酒加三級 臣王先謙補注

孝元皇帝

荀悅曰諱爽之字曰盛應劭曰諡法行義悅民曰元師古曰爽音式亦反宣帝太子也母曰

共哀許皇后

張晏曰禮婦人從夫諡閔其見殺故兼二諡師古曰共讀曰恭宣帝微時生民間年

二歲宣帝卽位八歲立爲太子

師古曰宣帝卽位之明年改元曰本始本始凡四年而改元曰地節

地節三年立皇太子若初卽位年二歲則立爲太子時年九歲矣

又宣帝以元平元年七月卽位而外戚傳云許前後生元帝數月宣

帝立爲帝是則卽位時太子未必二歲也參校前後眾文此紀進

退爲錯補注劉攽曰此言年二歲宣帝卽位指論踰年改元爲卽

位耳若春秋諸公也朱一新曰此卽位從改元之年數起則與外

戚傳不相遠戾矣後瓚注云帝年二十七卽位壽四十三當作二

十六卽位壯大柔仁好儒見宣帝所用多文法吏召刑名繩下

晉曰刑刑家名名家也太史公曰法家嚴而少恩名家儉而善失真

師古曰晉說非也劉向別錄云申子學號刑名刑名者以名責實

是受堂

尊君卑臣崇上抑下宣帝好大臣楊惲盡寬饒等坐刺譏辭語爲

罪而誅師古曰惲音於吻反補注錢大昭曰盡南監本闕本作蓋

公益反故與益通景祐本蓋作益古字假借也蓋寬饒之蓋本音

達碑亦作蓋不借之旨周壽昌曰蓋蓋古今字漢世作蓋唐盡文

尚呼合音先謙曰淳祐本作蓋官本注本作蓋人嘗侍燕從容言

師古曰從陛下持刑太深宜用儒生宣帝作色曰師古曰作動也

漢家自有制度本已霸王道雜之補注王先慎曰御覽卷奈何純

住德教補注錢大昭曰住當作任用周政乎師古曰姬且俗儒不達

時宜好是古非今使人眩於名實師古曰眩亂視不知所守何足

委任迺歎曰亂我家者太子也繇是疏太子而愛淮陽王師古曰繇

由曰淮陽王明察好法宜爲吾子而王母張婕妤尤幸上有意欲

用淮陽王代太子然已少依許氏俱從微起故終不背焉黃龍元

年十二月宣帝崩癸巳太子卽皇帝位補注王先慎曰御覽八十

九引應劭漢官儀曰孝武

時天子以下未有憤元帝額上有壯髮不欲使人見乃始施憤羣寮隨焉謁高廟尊皇太后曰太皇太

后蘇林曰皇太后曰皇太后文穎曰王皇

初元元年春正月辛丑孝宣皇帝葬杜陵臣瓚曰自崩至葬凡二

五十里也賜諸侯王公主列侯黃金補注宋祁曰古本無黃字吏二千

石已下錢帛各有差大赦天下三月封皇太后兄侍中中郎將王

舜爲安平侯丙午立皇后王氏呂三輔太常郡國公田及苑可省

者補注先謙曰通鑑胡注太常振業貧民師古曰振起之令有作

之正掌諸陵邑故亦有公田及苑振業貧民師古曰賦給與之也貸假也貸音

字胡注引賈公彥云種食者或爲封外祖父平恩戴侯同產弟子中

常侍許嘉爲平恩侯奉戴侯後文穎曰戴侯許廣漢補注先謙曰

參用士人東都專夏四月詔曰朕承先帝之聖緒獲奉宗廟戰戰

兢兢補注宋祁曰閑者地數動而未靜懼於天地之戒不知所繇

唐本作栗栗

師古曰蘇與由同

方田作時朕憂蒸庶之失業

師古曰蒸眾也

臨遣光祿大夫襄

等十二人

應劭曰自臨面約敕乃遣之

循行天下

師古曰行音下更反

存問耆老鰥寡孤

獨困乏失職之民

師古曰失職失其常業

延登賢俊招顯側陋因覽風俗之

化相守二千石誠能正躬勞力

師古曰相者諸侯王相也守郡守也

宣明教化已親

萬姓則六合之內和親庶幾庠無憂矣書不云乎股肱良哉庶事

康哉

師古曰虞書益稷之辭也言君能任賢股肱之臣皆得良善則眾事安寧

布告天下使明知朕意

又曰關東今年穀不登民多困乏其令郡國被災害甚者毋出租

賦江海陂湖園池屬少府者已假貧民

師古曰湖深水

勿租賦賜宗室有

屬籍者馬一匹至二駟

師古曰二駟八匹

三老孝者帛五匹弟者力田三

匹鰥寡孤獨二匹吏民五十戶牛酒

師古曰以五十戶為率共賜之

六月已民疾

疫令太官損膳減樂府員省苑馬已振困乏

補注先謙曰胡注樂府員大凡八百二十

九人武帝所立漢官儀牧師諸苑三十六所分置北邊西邊養秋馬三十萬匹先謙案此苑馬蓋家馬景帝所造非邊備馬也

八月上郡屬國降胡萬餘人入匈奴九月關東郡國十一大水

饑或人相食轉旁郡錢穀已相救詔曰聞者陰陽不調黎民饑寒

無已保治師古曰惟德淺薄不足已充入舊貫之居應劭曰言已

以充舊貫舊貫者常居也師古曰論語稱閔子騫云仍舊貫帝自

謙言不足充入先帝之宮室故引以爲言也補注周壽昌曰哀紀

云材質不足以假充太子之宮與此語意同先謙曰據下云勿其

繕治宮館應說是也官本注不足以充舊貫下少舊貫二字其

令諸宮館希御幸者勿繕治師古曰太僕減穀食馬水衡省肉食

獸師古曰減謂損其數省者全去之補注先謙曰百

二年春正月行幸甘泉郊泰畤賜雲陽民爵一級女子百戶牛酒

立弟竟爲清河王三月立廣陵厲王太子漸爲王詔罷黃門乘輿

狗馬師古曰黃門近署也故親幸之物屬焉水衡禁囿補注先謙

水衡都尉屬官有宜春下苑孟康曰宮名也在杜縣東晉灼曰史

禁苑等九官令丞記云葬二世杜南宜春苑中師古曰

東南隅曲江池是少府飲飛外池如淳曰漢儀注飲飛具增繳

也補注先謙曰

嚴籟池田

蘇林曰嚴籟池上之屋及其地也晉灼

也池田苑中田也師古曰晉說是補注錢大昭曰嚴古籟字說文

籟惟射所蔽者也籟禁苑也應劭云籟在池水上作室可用棲鳥

鳥入則捕

之楚觀觀假與貧民詔曰蓋聞賢聖在位陰陽和風雨時日月光

星辰靜黎庶康寧考終厥命

師古曰考老也言得壽考終其天命今朕恭承天地託

于公侯之上明不能燭德不能綏災異竝臻連年不息乃二月戊

午地震于隴西郡補注錢大昭曰地震事見詔毀落太上皇廟殿

壁木飾補注錢大昭曰高紀十年八月令諸侯王皆立太上皇廟

惠帝紀令郡諸侯王立高廟此毀落者或是高廟歟壞敗獮道縣城郭官寺及民室屋壓殺

人眾師古曰獮道屬天水凡府庭所在皆謂之寺獮音完壓山崩

地裂水泉湧出補注先謙曰獮道在今鞏昌府隴西縣東北治有大

虧咎至於斯夙夜兢兢不通大變深惟鬱悼未知其序師古曰鬱

也序閒者歲數不登元元困乏不勝饑寒已陷刑辟朕甚閔之郡

次也

國被地動災甚者無出租賦赦天下有可蠲除減省已便萬姓者

條奏毋有所諱丞相御史中二千石舉茂材異等直言極諫之士

朕將親覽焉夏四月丁巳立皇太子賜御史大夫爵關內侯中二

千石右庶長師古曰第十一爵天下當爲父後者爵一級列侯錢各二十

萬五大夫十萬師古曰五大夫第九爵六月關東饑齊地人相食秋七月詔

曰歲比災害民有菜色師古曰五穀不收人但食菜故其顏色變惡慘怛於心師古曰慘痛也

但悼也已詔吏虛倉廩開府庫振救賜寒者衣今秋禾麥頗傷一年

中地再動補注蘇輿曰是年地凡兩震一未書其時地五行志亦未載北海水溢流殺人民陰

陽不和其咎安在公卿將何已憂之其悉意陳朕過靡有所諱師古

曰悉意盡意也靡無也冬詔曰國之將興尊師而重傅故前將軍望之傅朕

八年道呂經書厥功茂焉師古曰茂美也道讀曰導其賜爵關內侯食邑八百

戶朝朔望補注先謙曰通鑑考異云按劉向傳云前弘恭石顯奏望之等狀決三月地大震然則望之等黜免在今春地

霞前又曰夏客星見昴卷舌間上感悟下詔賜望之爵關內侯望之傳云後數月賜望之爵關內侯蓋紀見望之死在十二月因置此詔於彼上耳

十二月中書令弘恭石顯等譖望之令自殺

三年春令諸侯相位在郡守下

師古曰此諸侯謂諸侯王也

珠厓郡山南縣反

補注先謙曰反在元年追書之見賈捐之傳

博謀羣臣待詔賈捐之曰爲宜棄珠厓救

民饑饉

師古曰穀不熟曰饑蔬不熟曰饉

乃罷珠厓夏四月乙未晦茂陵白鶴

館災

補注錢大昕曰五行志四月乙未孝武園白鶴館災茂陵卽乃月之十一日非晦日也晦字

衍文翼奉傳載此事亦不云晦詔曰迺者火災降於孝武園館朕

戰栗恐懼不燭變異咎在朕躬

師古曰燭照也

羣司又未肯極言朕過曰

至於斯將何已寤焉百姓仍遭凶阨無已相振

師古曰仍頻也加已煩擾

庫苛吏拘牽庫徵文

補注蘇輿曰謂牽合律文比傳成罪宣帝地節詔文所云析律貳端者也元帝不喜刑名

洞究吏習如此不得永終性命

師古曰永長也

朕甚閔焉其赦天下夏旱立長沙

煬王弟宗爲王

師古曰煬音供養之養也補注錢大昭曰師古南雍本閩本皆作鄭氏先謙曰官本注師古作鄭氏

無也字封故海昏侯賀子代宗爲侯六月詔曰蓋聞安民之道本繇

陰陽

師古曰繇與由同

閒者陰陽錯謬風雨不時朕之不德庶幾羣公有

敢言朕之過者今則不然媿合苟從未肯極言

師古曰媿與偷同

朕甚閔

焉永惟烝庶之饑寒

補注宋祁曰一本無永字

遠離父母妻子勞於非業之作

衛於不居之宮

師古曰不急之事古云非業也補注先謙曰官本注古作故通鑑注引亦作故

恐非所已

佐陰陽之道也其罷甘泉建章宮衛令就農

補注宋祁曰唐本監本衛字下有各字王

念孫曰唐本監本是也各令就農各省費兩各字文義相承漢紀作令各就農亦有各字周壽昌曰時貢禹言諸離宮及長樂宮衛

可減大半以寬徭役帝罷甘泉建章兩衛百官表百官各省費師

所云不常置也長樂屬太皇太后上官氏故不罷百官各省費師

曰費用之條奏毋有所諱有司勉之毋犯四時之禁補注先謙曰

物務減省務順四時月令毋得違犯以致殃咎時陰陽家丞相御史舉天下

盛行故有此詔與成帝陽朔二年詔書同意

明陰陽災異者各三人於是言事者眾或進擢召見

補注何焯曰陰陽月令發

於魏相至此言

人人自巳得上意

師古曰人人各自以當天子之意補注宋祁曰人人南本只一

陰陽者遂盛

前漢九

救之

師古曰郡國谷風之詩也言見人有喪禍之事則當盡力以救之餽音步扶反餽音步得反

其令太官毋

日殺

師古曰不得日日宰殺補注先謙曰官本太作大

所具各減半

師古曰乘輿秣馬無

乘輿秣馬無

乏正事而已

供郊祀蒐狩之事非游田者也秣音末注師古曰秣養也以粟秣食之也

罷角抵

先謙曰

上林宮館希御幸者齊三服官

李斐曰齊國舊有三服之官春獻冠幘緹為首

抵詳武紀

胡公曰服官主作文繡以給袞龍之服地理志襄邑亦有服官師

古曰齊三服官李說是也縱與纓同音山爾反即今之方目紫也

注吳仁傑曰地理志齊郡臨淄縣有服官所出文繡非齊三服也補

有官舍三所非謂其為首服冬服夏服而名官也貢禹論三服官

作工各數千人言各則知其非一矣漢紀載此疏乃去各字非也

襄邑亦有服官獨不罷蓋所供龍袞之屬禮不可缺至臨淄三官

此固可省者禹又言三工官官費五千萬亦謂每一工官為費若

之官耶先謙曰吳說是官本襄邑亦有服官句上有云字北假

田官李斐曰主假賃見官田與民收其假稅也故置田農之官晉

膏壤殖穀北假地名師古曰晉說是也補注宋祁曰田官一本作

皆北假也鹽鐵官常平倉補注先謙曰鹽鐵官武帝置博士弟子毋置

員百廣學者補注先謙曰胡注武帝末增倍之今不限員數以廣學者

後數年以用度不足更爲設員千人賜宗室子有屬籍者馬一匹至二駟三老孝者

帛人五匹弟者力田三匹鰥寡孤獨二匹吏民五十戶牛酒省刑

罰七十餘事補注周壽昌曰刑法志載元帝初年詔云其令律令

死之刑以一百二十事手殺人者減死一等注東觀記曰元帝

初元五年輕殊死刑三十四事哀帝建平元年輕殊死刑八十一

事共四十二事手殺人者減死一等據此則定律後又有除省不

同紀載也又哀帝紀惟建平二年書大赦天下無省刑事亦非元

年附著除光祿大夫曰下至郎中保父母同產之令應劭曰舊時

於此過皆當坐之師古曰特爲郎中以上除令從官給事宮司馬中者

得爲大父母父母兄弟通籍應劭曰從官謂宦者及虎賁羽林太

馬主武兵禁之意也籍者爲二尺竹牒記其年紀名字物色縣之

宮門案省相應乃得入也師古曰應說非也從官親近天子常侍

從者皆是也故此下云科第郎從官司馬門者宮之外門也衛尉

有八屯衛候司馬主衛士微巡宿衛每而各二司馬故謂宮之外

門爲司馬門補注錢大昭曰漢舊儀皇帝起居儀宮司馬內百官案籍出入營衛周盛晝夜誰何周壽昌曰周禮宮正鄭注若令時無引籍不得入宮司馬殿門先謙曰宮司馬中謂宮中及冬十二

月丁未御史大夫貢禹卒

補注錢大昭曰案是年御史大夫陳萬年先卒不知何以不書衛司馬

谷吉使匈奴不還

師古曰卽衛尉八屯之衛司馬補注先謙曰爲鄧支單于所殺

永光元年春正月行幸甘泉郊泰畤

補注先謙曰禮畢畱射獵納薛廣德諫卽還詳廣德傳

赦雲陽徒賜民爵一級女子百戶牛酒高年帛行所過毋出租賦

補注宋祁曰舊本作毋令出租賦

二月詔丞相御史舉質樸敦厚遜讓有行者光

祿歲已此科第郎從官

師古曰始令丞相御史舉此四科人曰擢用之而見在郎及從官又令光祿每歲依

此科考校定其第高下用知其人賢否也補注齊召南曰案所云

舉光祿四行者卽起於此後漢書吳祐以光祿四行遷膠東侯相

注引漢官儀曰淳厚質樸遜讓節儉也蓋漢時朝廷從官俱屬光祿動自太中大夫中大夫諫大夫及議郎中郎侍郎郎中其員多

至千人故令光祿勳第其賢否也何焯曰光祿以此科第郎從官則周官宰夫正歲於宮中羣吏書其能者與其良者以告小宰大宰之餘

三月詔曰五帝三王任賢使能已登至平而今不治者豈

意也

斯民異哉

師古曰言今所治人即五帝三王之眾庶

咎在朕之不明亡已知賢也是故

王人在位

服虔曰王人佞人也

而吉士雍蔽

師古曰吉善也大雅卷阿之詩曰蒨蒨王多吉士雍讀曰

注錢大昭曰曰下脫墜

字先謙曰官本有墜字

重呂周秦之弊民漸薄俗

師古曰爲薄俗所漸染也重音

直用反補注先謙曰官本弊作敝

去禮義觸刑法豈不哀哉繇此觀之元元何辜

師古曰繇

其赦天下令厲精自新各務農畝無田者皆假之貸種

食如貧民

師古曰此皆謂遇赦新免罪者也故云如貧人補注先謙曰官本注人作民

賜吏六百石已

上爵五大夫勤事吏二級爲父後者民一級

補注宋祁曰越本無爲父後者四字王念

孫曰爲父後者四字涉上文而衍景祐本亦無此四字是也漢紀亦無上文以立皇太子故賜天下當爲父後者爵一級此不當有

其初元二年正月四年三月永光元年正月二年二月建昭五年三月賜民爵一級皆無爲父後者之文他篇放此女子百

戶牛酒鰥寡孤獨高年帛是月雨雪

師古曰雨雪音于具反補注先謙曰五行志四月日色青白

凶景正中時有景凶

隕霜傷麥稼秋罷

如淳曰當言罷某官某事燭脫失之晉灼曰或無稼

光至九月日乃有光殺桑九月二日隕霜殺稼天下大饑言傷麥稼秋罷是也師古曰

晉說得之秋者謂秋時所收穀稼也今俗猶謂麥豆之屬爲雜稼云秋罷者言至秋時無所收也補注劉攽曰如言燭脫是錢大昭曰注南監本闕木滅竝作桑沈欽韓曰荀紀秋七月己未大司馬車騎將軍史高免此言秋罷者罷太常領陵縣周壽昌曰三月去秋尙諸陵邑屬三輔則秋罷者罷太常領陵縣周壽昌曰三月去秋尙遠不能謂遂無所收若大饑卽當直書不得以秋罷代之武帝成帝紀書秋罷某事者不一此秋罷下必尙有字如說近是先謙曰官本注滅作桑是

二年春二月詔曰蓋聞唐虞象刑而民不犯

師古曰象刑解在武紀

殷周法

行而姦軌服

師古曰軌與宄同亂在外曰姦在內

今朕獲承高祖

之洪業

補注宋祁曰一本無洪字

託位公侯之上夙夜戰栗永惟百姓之急未

嘗有忘焉然而陰陽未調三光晻昧

師古曰晻與暗同又音烏惑反

元元大困流

散道路盜賊竝興有司又長殘賊失牧民之術是皆朕之不明政

有所虧咎至於此朕甚自恥爲民父母若是之薄謂百姓何

師古曰言

何曰撫

臨百姓其大赦天下賜民爵一級女子百戶牛酒鰥寡孤獨高年

三老孝弟力田帛又賜諸侯王公主列侯黃金中二千石百下至

中都官長吏各有差吏六百石曰上爵五大夫勤事吏各二級

補注

錢大昭曰爵自五大夫以上爲官爵故必六

百石以上乃賜之其勤事吏之二級民爵也三月壬戌朔日有蝕

之

補注先謙曰五行志在婁入度

詔曰朕戰戰栗栗夙夜思過失不敢荒寧

師古曰荒

廢也不敢廢

惟陰陽不調未燭其咎婁敕公卿日望有效

師古曰婁古屢

事而自寧

字其後至今有司執政未得其中

師古曰中音竹仲反

施與禁切未合民心

師古曰施惠褊薄禁令煩苛補注蘇輿曰廣雅釋詁切斷

也禁切與施與平列爲文鄭崇傳禁切主上與此義同

暴猛之

俗彌長和睦之道日衰百姓愁苦靡所錯躬

師古曰錯置也音干故反

是日氣

邪歲增侵犯太陽

師古曰氣惡氣也邪者言非正氣也太陽日也

正氣湛掩日久奪光

師古曰

日湛讀與沈同湛掩者見掩而湛沒

迺壬戌日有蝕之天見大異日戒朕躬

師古曰見顯示

朕甚悼焉其令內郡國舉茂材異等賢良直言之士各一人夏六

月詔曰閒者連年不收四方咸困元元之民勞於耕耘又凶成功

困於饑饉凶已相救朕爲民父母德不能覆而有其刑甚自傷焉

其赦天下秋七月西羌反遣右將軍馮奉世擊之八月

補注先志曰五行志

天雨草如莎相糝結大如彈丸

詔太常任千秋爲奮威將軍

補注先志曰馮奉世傳作奮武將軍通鑑

從傳荀紀從紀

別將五校竝進

師古曰別領五校之兵而與右將軍竝進

三年春西羌平軍罷

補注先志曰賜奉世爵關內侯詳見傳

三月立皇子康爲濟陽

王夏四月癸未大司馬車騎將軍接薨

師古曰王接

冬十一月詔曰迺

者己丑地動

補注先志曰五行志冬地震此己丑當屬十一月下中冬二字疑本在己丑上傳寫誤移之

中冬

雨水大霧

師古曰中讀曰仲雨音于具反

盜賊竝起吏何不巳時禁各悉意對

師古

曰時禁謂月令所當禁斷者也悉盡也

冬

補注先志曰冬字當衍復鹽鐵官博士弟子員

師古曰復

音扶

目反 巳用度不足民多復除

師古曰復音方目反

無巳給中外繇役

四年春二月詔曰朕承至尊之重不能燭理百姓妻遭凶咎加巳

邊竟不安師旅在外

師古曰竟讀曰境

賦斂轉輸元元騷動窮困匹

聊犯法抵罪夫上失其道而繩下巳深刑朕甚痛之其赦天下所

貸貧民勿收責三月行幸雍祠五時夏六月甲戌孝宣園東闕災

補注先謙曰五行志云東闕南方災戊寅晦日有蝕之補注先謙曰五行志在張七度詔曰蓋聞明

王在上忠賢布職則羣生和樂方外蒙澤今朕耽于王道師古曰耽讀與

同夙夜憂勞不通其理靡瞻不眩靡聽不惑師古曰靡無也眩是

呂政令多還民心未得李奇曰還反也易曰渙汗其大號言邪說

空進事亾成功此天下所著聞也公卿大夫好惡不同師古曰愛

或緣姦作邪侵削細民元元安所歸命哉迺六月晦日有蝕之詩

不云庠今此下民亦孔之哀師古曰小雅十月之交之詩也孔自

今呂來公卿大夫其勉思天戒愼身修永師古曰輔朕之不逮師古曰

蘇藝云愼厥身修思永言當愼修其身思爲長久之道故此詔云

愼身修永也今流俗書本永上有職事者後人不曉妄加之耳補

注錢大昭曰注事南監本闕本直言盡意無有所諱九月戊子罷

衛思后園服虔曰戾太子母也補注先及戾園補注先謙曰建昭

議曰官本注在及戾園下

補注先謙曰建昭五年夏紀書復戾

閔秋書復昭靈后武哀王昭哀后衛思后國復既書則罷亦宜書
今紀文有衛思后國戾國而無昭靈后武哀王昭哀后蓋傳寫奪
之荀紀通鑑並書罷昭靈后冬十月乙丑罷祖宗廟在郡國者補

武哀王昭哀后亦其明證矣先謙曰此二事皆從貢禹前請諸陵分屬三輔師古曰先是諸陵總屬太呂渭城

壽陵亭部原上爲初陵服虔曰元帝所置陵也未有名故曰初補

則不知在何方矣漢紀正作北原上宣紀云以杜東原上爲初陵哀紀云以渭城西北原上永陵亭部爲初陵皆其例也詔曰

安土重遷黎民之性師古曰重難也骨肉相附人情所願也頃者有司緣

臣子之義奏徙郡國民已奉園陵令百姓遠棄先祖墳墓破業失

產親戚別離人懷思慕之心家有不安之意補注錢大昭曰不安

言東垂被虛耗之害闕中有無聊之民師古曰耗損也音呼到反非久長之策

也詩不云庠民亦勞止迄可小康惠此中國師古曰大雅民勞之

詩也止語助也迄至也康安也言人勞已久至此可以小安逸之施惠京師以及四遠也今所爲初陵者勿置

縣邑使天下咸安土樂業凶有動搖之心布告天下令明知之又

罷先后父母奉邑

應劭曰先后爲其父母置邑守冢以奉祭祀既已久遠又非典制故罷之師古曰奉邑奉音扶

反用

五年春正月行幸甘泉郊泰畤三月上幸河東祠后土秋潁川水

出流殺人民

補注先謙曰五行志作夏及秋大水潁川汝南淮陽廬江雨壞鄉聚民舍及水流殺人

吏從官

縣被害者與告

晉灼曰從官猶從役從軍也臣瓚曰告休假也師古曰晉說非也從官卽上侍從之官也言凡爲吏

爲從官其本縣有被害者皆與休告

士卒遣歸冬上幸長楊射熊館

師古曰射熊館音食亦反

布車騎大獵十二月乙酉毀太上皇孝惠皇帝寢廟園

補注先謙曰以親盡毀詳章元

傳成

建昭元年春

補注先謙曰五行志正月戊辰隕石梁國六

三月上幸雍祠五時秋八月

有白蛾羣飛蔽日從東都門至枳道

如淳曰三輔黃圖長安城東而北頭門號曰宣平城門其

外郭曰東都門也師古曰蛾若今之蠶蛾類也音五何反枳音只枳道解在高紀補注先謙曰官本注若上有成羣二字引宋祁曰

顏注南本唐本並無成羣二字錢冬河閒王元有罪廢補注先謙曰坐賊殺大昭云闕本若字上有成羣二字

不遷房陵罷孝文太后孝昭太后寢園

二年春正月行幸甘泉郊泰時三月行幸河東祠后土益三河郡

太守秩

補注王念孫曰漢紀秩下有中二千石四字是也太守秩

秩皆二千石與此文同一例若無中二千石四字則文義不明先謙曰官本郡上有大字戶十二萬爲大郡

四月赦天下六月立皇子興爲信都王

補注宋祁曰興越本作與予據表傳作興是閏

月丁酉太皇太后上官氏崩冬十一月齊楚地震大雨雪

師古曰雨音于

具反補注先謙曰五行志云深五尺

樹折屋壞淮陽王舅張博魏郡太守京房坐窺

道諸侯王呂邪意漏泄省中語

師古曰道讀曰導補注先謙曰窺其意而道之諸侯王謂淮陽王欽

博要斬房棄市

補注先謙曰房死不在歲末說見傳

三年夏令三輔都尉

補注宋祁曰唐本無都字

大郡都尉

補注宋祁曰舊本南

誤秩皆二千石

補注周壽昌曰初比二千石也此二千石穀月百斛二千石穀月百二十斛

六月甲辰

丞相玄成薨

師古曰韋玄成

秋使護西域騎都尉甘延壽副校尉陳湯

師古

曰言延壽及湯本充西域之使故橋發戊己校尉屯田吏士及西

域胡兵攻郅支單于

師古曰橋與矯同矯託也實不奉詔詐已上命發兵故言矯發也戊己校尉者鎮安西域

無常治處亦猶甲乙等各有一方位而戊與己四季寄王故曰名官也時有戊校尉又有己校尉一說戊己位在中央今所置校尉處

三十六國之中故曰戊己也郅音質補冬斬其首傳詣京師縣蠻

夷邸門

師古曰縣古懸字也蠻夷邸若今鴻臚客館補注宋祁曰唐本無門字

四年春正月己誅郅支單于告祠郊廟赦天下羣臣上壽置酒己

其圖書示後宮貴人

服虔曰討郅支之圖書也或曰單于土地山川之形書也師古曰或說非夏四月

詔曰朕承先帝之休烈

師古曰休美也烈業也

夙夜栗栗懼不克任聞者陰

陽不調

補注宋祁曰不唐本作未

五行失序百姓饑饉惟烝庶之失業臨遣諫

大夫博士賞等二十一人循行天下

師古曰行音下更反

存問耆老鰥寡孤

獨乏困失職之人舉茂材特立之士相將九卿其帥意毋怠使朕

獲觀敎化之流焉

補注先謙曰帥率字通儀禮大射注古文帥皆作率本書或言帥意或言率意或言悉意或言

盡意義並相近六月甲申中山王竟薨藍田地沙石雍霸水補注王念孫曰此文當依

漢紀通鑑作藍田地震山崩沙石雍霸水此因地震故山崩而沙

石雍水也今本脫震山崩三字則敘事不明御覽卷七引此

正作地震下文安陵岸崩亦承地震言之安陵岸崩雍涇水水逆流孟康曰安陵岸惠

師古曰雍讀曰塞五年春三月詔曰蓋聞明王之治國也明好惡而定去就崇敬讓

而民興行故法設而民不犯令施而民從今朕獲保宗廟兢兢業

業匪敢懈怠師古曰兢兢慎也業業危也解讀曰懈德薄明晦教化淺微師古曰曉

傳不云虐百姓有過在予一人師古曰論語載殷湯伐桀告天下

其赦天下賜民爵一級女子百戶牛酒三老孝弟力田帛又曰方

春農桑興百姓戮力自盡之時也補注先謙曰官故是月勞農勸

民無使後時師古曰勞農謂慰勉之勞音來到反今不良之吏覆案小罪師古曰覆

補注宋祁曰徵召證案興不急之事曰妨百姓補注周壽昌曰言

唐本無之字吏以覆獄小獄率

引證佐徵召多人致百姓廢時失業後

使失一時之作亡終歲之

功公卿其明察申敕之

師古曰申重也一曰約束之耳補夏六月

庚申復戾園王申晦日有蝕之補注先謙曰五秋七月庚子復太

上皇寢廟園原廟

文穎曰高祖已自有廟在長安城中惠帝更於

晉灼曰原本也始祖之廟昭靈后武哀王昭哀后衛思后園師古

故曰本也師古曰文說是廟昭靈后武哀王昭哀后衛思后園師古

愛后高祖母也武哀王高祖兄也昭哀后高祖姊也衛思后戾太

子母也補注先謙曰以上疾夢祖宗諱盡復之惟郡國廟遂廢

竟寧元年應劭曰庫韓郭單于願保塞邊竟得已安寧故曰冠元

此詔云邊垂長無兵革之事竟者終極之言言永安寧也既無兵

革中外安寧豈止境上若依本字而讀義更引通也補注錢大昭

曰應說是顏泥詔中長字故以竟爲終極之言果如其說在漢人

文義必曰永寧矣周壽昌曰陳湯傳耿育爲湯訟冤疎云改年垂

麻傳之無窮明指竟寧紀元爲單于保塞安邊事顏彼注上書者

附著耳通鑑胡注亦引紀元詔駁顏說爲非先謙曰邊垂即境上

也顏謂豈止境上與詔意不合春正月匈奴庫韓郭單于來朝補

諸說並是官本注境竟作竟境

宋祁曰序

富作呼

詔曰匈奴鄯支單于背叛禮義既伏其辜庫韓郭單于

不忌恩德鄉慕禮義

師古曰鄉讀曰嚮

復修朝賀之禮願保塞傳之無窮

邊垂長無兵革之事其改元爲竟寧賜單于待詔掖庭王牆爲關

氏

應劭曰郡國獻女未御見須命於掖庭故曰待詔王牆王氏女名牆字昭君文穎曰本南郡秭歸人也蘇林曰闕氏音焉支如

漢皇后也師古曰秭音姊補注梁玉繩曰牆匈奴傳作牆說文無牆字左傳妃嬀嬀御唐石經本作牆漢書王牆字從月此紀作牆恐是牆之譌先謙曰此因單于請而賜之皇太子冠賜列侯嗣子爵五大夫師古曰天

下爲父後者爵一級二月御史大夫延壽卒

師古曰卽繁延壽也繁音蒲何反補注錢

大昭曰延壽不書姓疑脫

三月癸未復孝惠皇帝寢廟園孝文太后孝昭太后

寢園夏封騎都尉甘延壽爲列侯賜副校尉陳湯爵關內侯黃金

百斤五月壬辰帝崩于未央宮

臣瓚曰帝年二十七卽位卽位十

紀元帝卽位年二十六據本紀云年二歲宣帝卽位則荀紀是

毀太上皇孝惠孝景皇帝廟罷孝

文孝昭太后昭靈后武哀王昭哀后寢園

補注先謙曰從匡衡之請

秋七月丙

戌葬渭陵

臣瓚曰自崩及葬凡五十五日渭陵在長安北五十六里也

贊曰臣外祖兄弟爲元帝侍中

應劭曰元成帝紀皆班固父彪所作臣則彪自說也外祖金敞也如

皮也師古曰應說是語臣曰元帝多材藝善史書應劭曰周宣王

大篆補注錢大昕曰應說非也漢律太史試學童能誦書九千字

以上乃得爲史規曰貢禹傳武帝時盜賊起郡國擇便巧史書者

以爲右職俗皆曰何以禮義爲史書而仕宦酷吏傳嚴延年善史

書所欲誅役奏成於手中主簿親近史不得聞知蓋史書者令史

所習之書猶言隸書也善史書者謂能識字作隸書耳豈皆盡通

史籍十五篇乎外戚傳許皇后聰慧善史書西域傳楚主侍者馮

婕能史書王尊傳少善史書梁皇后少好史書章八王傳安帝所生

后紀鄧皇后六歲能史書梁皇后少好史書章八王傳安帝所生

母左姬善史書齊武王傳北海敬王睦善史書當世以爲楷則明

入王傳樂成靖王黨善史書喜正文字諸所稱善史書者無過諸

王后妃嬪侍之流略知隸楷已足成名非真精通篆籀也魏志管

寧傳穎川胡昭善史書與鍾繇郗邈潘衡鍾繇章誕並有尺牘之迹

動見模楷則史書鼓琴瑟吹洞簫如潘曰蕭之無底者補注何焯

之卽隸書明矣鼓琴瑟吹洞簫如潘曰蕭之無底者補注何焯

於江南之邱城洞條暢而罕節標敷紛曰扶疏是洞蕭以一自度

幹無節故得此名博雅謂蕭大者無底小者有底如注非也

曲被歌聲應劭曰自隱度作新曲因持新曲以爲歌詩聲也苟悅

度曲西京賦曰度曲未終雲起雪飛張衡舞賦亦曰度終復位次

受二入師古曰應荀二說皆是也度音大各反被音皮義反補注

何焯曰從注中廣說則度讀本音然班之文義先度而分刊節度
後破之於歌則應說爲諦也先謙曰官本無亦曰二字
蘇林曰刊度也知曲之終始節度也韋昭曰刊切也謂能
分切句絕爲之節制也師古曰韋說是也刊音干本反窮極幼
眇師古曰幼眇少而好儒及卽位徵用儒生委之曰政貢辭韋匡

迭爲宰相

師古曰貢禹辭廣德韋賢匡衡迭互而爲丞相也迭音大結反補注齊召南曰案貢禹辭廣德止爲御史大夫

而贊與韋匡並列漢世以御史大夫爲丞相之副故與丞相並稱兩府其後改丞相曰司徒改御史大夫爲丞相司空遂並爲三公矣蕭望之嘗爲御史大夫後爲前將軍曰吾備位將相亦是此義何焯曰韋賢爲相在昭宣之際則此應謂其子元成也沈欽韓曰御史大夫亦三公之列故得稱宰相師古竟目以丞相謬矣而上牽制文義優游不斷師古曰爲

制故不

孝宣之業衰焉然寬弘盡下

補注先謙曰謂詔求直言能盡下意

出於恭儉

號令溫雅有古之風烈

補注錢大昭曰閩本風烈下有也字王先慎曰御覽卷八十九引亦有也字

元帝紀第九終

漢書九